

旌義包氏宗譜

號字



魏氏之王天下也仰觀

善契正嫁娶後遂有以句

者

於申曰句 秋時為楚大夫至漢有包咸字子良少事右

師細君習魯詩論語入授皇太子經永平中遷大鴻臚賜几杖

入朝不趨贊謁不名經傳有疑上遣小黄門就問咸生俊為都

尉俊生延延生充充生勝勝生堯咨舞咨文咨舞咨文咨為桓

溫別駕生永通拜襄陽太守生楷斌模楷生熙為從事遷給事

中充發運使後以兵亂散處於吳隋有包愷字和樂兄愉明五

經愷悉傳其業又受史記漢書尤稱精究為國子助教聚徒至

數千餘人唐有包融者為集賢院學士生濱濱生源源生仕廉

拜右僕射上季輔季佐季上拾遺舉孝廉拜散騎常

侍皆樸枳之遺裔也五代兵亂遷廬城又匹世出嘉祐名臣拯  
 卒樞密副使禮部侍郎贈尚書諡孝肅廕子誕克太祝方孝肅  
 逝世之時遺孤方在襁母守長令張公環多方調護按其封誥  
 為傳圖其四代之宗即包氏官譜也誕後更名忱補忠翊郎生  
 三子次執中召賜脩職郎諫院大夫生壽年學錄扈駕南遷僑  
 寓天台生美美生道道生亨亨生中中生綸綸生柱柱生燧燧  
 生坎復遷金華松溪七子一十九孫皆通儒術教授鄉里坎之  
 孫漁隱先生宿學不試深懼式微之後厥宗之莫合也離析之  
 久厥緒一五以勅書一道官譜一帙續以卜宗支圖以余

信後代余惟忠賢端士以遺韻百世

其子孫披其世緒誠一五也

此為考其受姓之由與夫承傳之緒一五我顯微

之...以後之時不

三九月望後一日也


前史官...系



三道光...加重修

包氏施義

學成班侯同校



包氏源流遷徙考

包氏源流辨詳矣至謂包氏肇自包羲後遂有以

包爲食采申曰包胥者以申包胥爲包姓其說與通志異

按夾漈鄭氏峯云包氏出自申氏申包胥之後以字爲氏


者也戰國及秦漢不得而詳至後漢鴻臚公咸始著習魯詩論語建武中入授皇太子拜諫議大夫傳中郎將永平五年遷大鴻臚年七十一卒於官子福拜郎中亦以論語入授和帝次子俊爲都尉俊生延延生克克生勝勝四子舞咨文咨爲桓溫別駕生永通拜襄陽太守三子楷棻模楷生熙爲從事遷給事充發運使以漢季兵亂散處於吳隋有諱愷者兄愉明五經愷悉傳其業又受史記漢書尤稱精究爲國子助教聚徒常數千人唐包融爲集賢殿學士生濱濱生源源生仕廉拜右僕射生季

輔季佐季贊輔爲左拾遺贊舉孝廉拜散騎常侍皆模杖後五  
代兵燹復初公徙於合肥之鳳凰橋下夫人魏氏五子三志真  
公累贈丹陽縣開國伯孝肅公之曾祖也孝肅公祖遵道公贈  
光祿大夫上黨郡開國侯七子次爲贈銀青光祿大夫開國侯  
吏部侍郎蒙亨公公三子涵極拯拯爲孝肅公公登天聖丁卯  
進士釋褐拜御史知開封尹以剛嚴見知累遷左銀青光祿大  
夫賜紫金魚袋遷樞密副使拜龍圖閣學士年六十四卒於官  
親幸臨奠輟朝當公在時閭里童稚僉知其名貴戚宦官爲之  
斂跡見於公書傳者特詳奏議十卷張公田集之以行於世  
夫人氏孝公二子長纘公知瀛州時殤於署幼誕以公蔭  
三子忠翊公祝故稱太祝君云太祝君三子次爲執中公召  
賜職郎遷諫院大夫又三子長學錄公仕秘書郎靖康丁未

之變一帝北狩高宗自建康幸杭公扈駕南遷居浙之天台一  
子期美也公七子提舉司九如公行四如公第六子爲  
壁軒、壁軒、第六子爲望陽公望陽公第四子爲六範公九  
範公第三子爲淵身公公諱大輪字揮卿秉杭州鐸孝肅公九  
世孫也五子次爲松巖公松巖公五子三爲惟寰公四子長爲  
通直公乃自天台而徙金華之松溪通直公妣北山何氏舉七  
子次爲觀鼎公諱鉉字翼之卽肇遷東陽黃溪始祖丙三公父  
也丙三公諱琇謂之丙三公者松溪漁隱公舉以十干經世推  
通直公爲甲行爲松溪之始祖至公已三世當屬丙而丙三於  
丙行中居三也丙三公距孝肅公蓋十四世云

孫儉堂芹謹撰





宗祠

余族之

祠也自隆慶丁卯冬始也初議者爲義房西川

公江深海公寬記之其基今所稱祠堂山者是至康熙己未  
移置今處則聖孫仲清公之裔有力焉宗祠之有川堂與祠西  
之有小宗則乾隆己卯始也祠東之厨房則乾隆癸卯先君雲  
津公所手建初門樓距拜廳僅咫尺許且墻外寸土非祠有無  
正門先君陋之嘉慶丁巳春謂族衆曰家廟所以妥先靈也吾  
儕堂寢桀然而廟貌如此如祖宗何有同志者是可闢而大也  
族之人唯此惟命每房出錢二十緡付先君而片基數主或且  
從而居奇以所哀錢充地價懼不敷先君力任之鳩工於是年  
之八月十七日閱九月初四而門樓移正門闢門樓內曰發閣  
則嘉慶二年丁巳十月十三日卯時先君所獨建者也柱四礎

樓二層翬飛鳥革規制屹然閱己未閣垂成而先慈謝世工中止壬戌秋先君苦俯不能仰時一發喘汗涔匕不可止亟命營雨臺余以病痊興工請艤然曰余不欲以未了事貽若輩肯堂勿肯構古人慷慨係之矣余悚仄不敢復言督工丹黃益急間日輒扶病一詣視甚或坐肩輿指示髹匠不稍衰前後約費五六百金工告竣喜曰寸草春暉敢言報答區匕者或堪藉以見先人於地下耳今而後余目瞑矣至九月十九日先君坐而逝拜廳前之過廊則是年十一月初三六房所同建者也

儉堂芹撰

松溪

夫一族

人之身也繼禰而爲兄弟由期功總祖免則途

人矣鄉井

尚欲相友助扶持終始如一况以一氣之親服

殺而爲途人甚有服未盡而情先盡者此可爲長太息流涕者也吾宗南渡之後邦分族析譜籍久廢未續雖祖父口傳歷歷有據而轉徙肇造之靡常室廬坵壟之不守已非譜法之舊矣况松溪之遷自吾通直公也已三世於茲若不蚤爲講求托之文獻以傳信他日世衍人蕃又非屈指可悉不幾頓忘厥本耶予爲是懼寢席反側者數十年遍訪遺踪卒乏同志幸兄弟爲儒業有可托敬以十干爲統列之爲世以收小宗之人其已前慶系之宗一循官譜之舊不敢妄爲損益以爲文獻之累而族之分散者勢不能合吾亦聽之而若拘拘於合宗之法漫焉

不講後之視今亦如今之視昔伊誰之責歟於乎譜之於言不若譜之於人譜之於人不若譜之於心爲吾後人者尙以雍睦立心施之百世而不失其歡以耕讀爲業承之萬年而不覆其緒推仁廣義聯之常如一人此之謂孝子此之謂慈孫報本追遠無以逾此其懋之哉其懋之哉

皆

皇宋景定甲子六月中浣之吉

松溪漁父包 舉自序

黃溪

譜序

東陽稱公  
公爲婺八邑最出人多富厚而好義戊午宰臣上  
封事令民  
公庾備荒政婺之應命者若干人而東陽居其  
半東之應命者若干人而吾家孟初公居其首且所輸倍於諸  
人 朝廷降 璽書遣官 旌勞禮亦優於諸人今年春孟初  
公以髦老不能趨拜遣子伯達赴 闕謝 恩欽承 上命  
賜燕光祿以一芥草茅得霑九珍之味大官之供真盛事也鄉  
友翰林吳公純中書王公沅輩旣推修撰周公貴爲之記以侈  
其 賜明日治任將歸揖別於余拜出世系一編屬余序之乃  
厥翁孟初禮聘慈水桂翁廷璋之續輯也莊誦竟因爲之序曰  
語山者先崑崙宗其本也祭川者先河後海志其源也本源之  
地惟豪傑能重之吾包氏之族肇於申盛於江南由會稽而合

肥衍於唐顯於宋冠纓閎閎於舊譜可考也靖康之變舉族南  
遷天台麗水龍泉雲間吳會臨安合舊居爲七派吾宗一派復  
自天台而之金華黃溪澱溪并前在天台者又三析矣枝延蔓  
衍歡愛日疎不有譜牒以收之幾希途之人而已今子諄七於  
是使世系明而名分正彝倫因之不斲洵矣吾包之彥也易曰  
積善之家必有餘慶吾祖宗積德百餘年而始發於吾爾祖父  
復能仗義施仁以培祖宗之植以大食彼蒼之報吾知必有亢  
宗之子矣孔子云惟孝友于兄弟施於有政是亦爲政大學云  
宜其家人而后可以教國人子行矣行以語爾若子若孫他日  
登巍躋顯亦以絜矩天下者推之斯譜而裕如矣不惟爲吾  
宗幸而天下幸因書以弁云


峕

正統八年

亥七月既望

賜進士出身

吏科給事中孝肅裔孫澱江良佐拜撰




山氏進義宗傳

二道光辛卯重修



化上九章宗

步升益三同校



重修

氏譜序

昔程夫子

曰骨攝天下人心收宗族厚風俗使人不忘本

須是明譜

以世族立宗子法大哉言乎誠維持世教之要道

也夫譜系不明則氏族無所辨而本源忘宗法不立則宗族無所統而彝倫斁如是而欲人心之一宗族之親風俗之厚其可得乎此明譜系收世族立宗子法所以爲維持世教之要道而不可忽者也庶人無爵士宗子法未易立苟明譜系收世族別嫡庶而宗子法亦在其中矣此防軍包氏族譜之所以作歟包故金華巨族其先有諱琇字公美者實爲東陽始遷之祖歷五世至諱孟初者善幹蠱拓土田昌大厥家且樂善好施正統辛酉嘗奉例入粟二千餘石以助賑濟 朝廷嘉之 賜 勅旌爲義民又嘗助給軍餉官其季子伯昂諸子姓亦皆克承先業

益振家聲今諸孫濟匕然彬匕然從事於文業崇尚乎禮義將  
有顯其家者出矣孟初之仲子伯俊深懼譜籍不修無以昭先  
德而垂來裔乃以舊譜屬子婿義庄陳平仲氏徵余重加筆削  
既告成因爲之序曰世之爲譜者往往好附於古之聞人而好  
事者亦爲之詳叙其世代累千數百季而無遺惑之甚矣且以  
孔子之聖猶嘆文獻於杞宋世無郊子求乎能言其祖者蓋鮮  
矣况他人亦何所據而能言人之先代世系遷徙之詳若彼耶  
故余於黃溪包氏之譜斷自公美公始也伯俊之宗族子弟誠  
能奮發以古之聖賢自期爲子必孝爲臣必忠功業建於當時  
聲名流於世則足以光前而裕後矣余敢序之以爲包氏諸  
彥勸

去治二年

西二月丙辰鄉進士蘭谿童

品序

附刻送

永福還鄉詩一首童公後登甲科爲兵部武

選司員

歸永福以萬石長輸稅至京燕留累月書此爲別

當童公


謫時永福嘗侍研席云

他鄉遇子若爲情自愧荒涼不爲清兩月往來誠慰我一朝  
別去奈何卿桂花馥郁丹陽路禾黍高低水驛程相見故人  
如問及形容不似舊書生

香溪童 品稿

包月九...

二步升益三同校



重修

自宗法廢而門第盛譜牒之學興焉然國氏大家所以重之而不敢忽者豈誇門閥哉不過明尊七親七之義爾尊者尊其所自出也親者親其所同出也今之爲譜者吾惑焉見其常有顯者則收而錄之尊其所尊而非吾所尊見其世無達者則擯而棄之親其所親而非吾之親吾尊之不尊吾親之不親奚以譜爲若吾之所爲譜者異於是黃溪以前吾所尊也其有徵者旣不敢忽而不錄其無徵者不敢旁求而曲證焉亦以尊七也黃溪以後吾所親也生卒葬詳焉妻之族女之適詳焉其有遺棄吾先人之訓不齒於族之人者雖黜而削之亦以親七也由五季而溯於唐由唐而溯於漢由漢而上抵春秋其間世有顯仕如舊譜源流所載者吾已不得而知之矣以不知而去之是自

棄也以不知而附之是自誣也不輕於自棄不厚於自誣是故  
列之外傳以示不忘其先之意此外史氏梁君意也亦吾尊親  
之意也若夫國爲忠臣家爲孝子女爲節婦男爲義夫三綱賴  
之以扶持九疇賴之以不斃國史圖誌尙考鏡焉而况於家之  
譜乎凡爲此者吾以盡吾尊親之心同有是心者尙相與世守  
而世修之以毋墮先人之緒乃余之所願也敬書以俟

皆

萬歷十有六年歲次戊子孟冬朔旦

五世孫江敬書

黃溪包氏重修族譜序

東陽黃溪包氏重修族譜成會其賢有與族弟遊者因得讀之  
按譜包蓋宋孝肅公後自元時始遷黃溪至是十有三世譜且  
三修其族屢之盛按譜了然而嘉猷懿訓森然畢備則例由特  
起愚謂以文章名世而且相知至歐蘓止矣其爲譜豈不能參  
考歸一而卒不無少異此如西施鄭旦各當三千而傳粉被繡  
則隨其致事固有然者况世多謂族之有譜猶國之有史史有  
傳表亦有書志爲譜者獨可寥寥徒記其姓名而使一時之聲  
名文物不獲表見於後世哉作此者良爲有意竊嘗論之天地  
之大也日月星辰雲物之變山川邦域草木之蕃孰不有典籍  
可以指掌至其所以周流於其間而使運行蕃育不失其正者  
則有主焉族之譜典籍也至所以聯族人之情增前代之光者



安在將必有不盡於姓名世次之間者此譜所以講之詳而不  
嫌於載之悉與使包氏子孫信能守此豈惟無愧於孝肅之後  
而已族弟且爲請序余故聊陳固陋而約畧序之

皆

萬歷辛卯春三月吉日

賜同進士出身湖廣按察使司副使前給事中

諸暨駱問禮撰

東陽包氏譜叙

萬歷初郡志重輯余伯父諫公時秉筆焉公嘗語余曰統風俗之詳書無如志最者婺轄八邑舊多故族晚近以閩閩相高風俗漸漓於古吾試以古書法而次第之里樸者甲居和者甲律嚴者甲有賢子孫者甲世澤綿而流行長者甲上之義重昭代奕稱善長則又甲之甲者不爾卽赫然於都邑無當也如斯而已余今覽包氏家史而深憶諫公所言焉包氏之先分潢於孝肅其六世祖孟初當英廟時首義捐助特璽褒旌炳然列諸志者蓋諫公手裁也世居吳寧之黃溪黃溪風會善地去邑幾二舍盤山磅礴於峴之南環帶大江鍾毓佳氣埭北隆跨異等嗚呼甲矣壯矣顧其族支衍而繁茲譜之再輯於今也甚勞而費裔孫江鼎力而肩之職其併劄劄事以余善其孫希聖越境而

來問序其賢矣哉余聞之許由有言曰有族有祖聚族則由後  
率祖則由前比而合之祖不傳於前亦猶聚也族不專於後亦  
猶率也由前則譜貴推而進若世若勅若文書之不爲濫由後  
則譜貴核而當若祠若宅若禮若法若世範若恆言綴之不爲  
文如此則於志所乘以統風俗者合之若圭臬然其斯一當衡  
石也與哉茲而後爾子孫有能新闕闕而爲世俗所艷也者則  
其甲於吳寧也惟爾包氏卽不然循循而仁林匕而樸道義世  
守而不爲世俗所艷也者則其甲於吳寧也亦惟爾包氏

萬歷乙未春王正月

賜進士出身誥封通議大夫南京禮部侍郎前兩京國子監祭酒纂  
修會典編纂起居注管理誥勅實錄館總裁兼翰林院侍講學  
士經筵講官蘭谿蔡日陸可教撰

包氏重修宗譜序

夫家之有乘猶國之有史也篤本支明世系辨淑慝聯親誼昭  
龜鑑胥於是乎在是以唐虞之時教先敦睦成周之世倫重懿  
親漢高崇帶礪之盟光武紀雲臺之佐以至典午東渡尤尙名  
門王謝烏衣琳琅玉樹非貴家巨族勿與連姻故其世家之盛  
與建業王氣相終始雖不無崇尚聲勢之病然而嫺禮節重廉  
恥所謂彼都人士狐裘黃匕彼君子女謂之尹姁者豈非比屋  
可封而習俗長厚者乎自秦俗澆競遺棄宗親至於借耨鋤而  
德色取箕箒而諛語故司馬遷作帝紀又作世家唐有氏族志  
宋錢氏著百家姓而明時衍之爲千家姓誠欲人知水原木本  
所自出敦倫睦族續先德以裕後裔也防軍包氏與余家安文  
爲世姻近益瓜葛連蔓而予亦忝與葦末故知包氏事深以悉

蓋自龍圖孝肅公發跡合肥秘書壽年公扈駕南渡而通直公始遷婺郡丙三公徙居吳寧子孫食報代有顯達明興以來文章忠厚之士斌七相望或輸粟以奉朝旌或儲倉以防鄉寇或擅圭璋之譽或蘊韜畧之奇以至肖丁蘭法黔婁及廬墓刲股諸勝事指不勝屈而


新朝鼎興復有建旄秉鉞封侯數千里外者洵孝肅公至德之裔神明之胄發祥久而遺澤長也戊子白巾之亂名宗皆受焚戮余家盡化爲灰燼而包氏亦半遭祝融獨孝肅公之遺像書跡猶克完畱丁酉歲以梅勒公取觀攜至邑城衆皆環瞻作舞載入閩地軍校亦相率羅拜其爲人景仰如此余舅氏尙標恐兵燹之後文籍散滅舊德淪亡且宗譜未續已四十餘年過此慮無所考乃嗣而修葺之將携閩就梅勒公鉛槧而屬叙於余余

誼屬至親不得辭語云祖宗有善而弗知不明知而不傳不仁若無美而溢譽之非孝也今觀包氏上世多名德懿行而載在譜牒者惟惓惓於家法不以閥閱相高是其所傳既非溢美後之子孫覽斯譜者當佩其訓詞法其徽行又念千百人之始皆兄弟兄弟之先惟一人則孝悌之思油然而生矣若包氏之世系官譜詳具往牒不復贅焉

皆

順治丁酉仲秋下浣之吉

鄉貢進士陳嗣章拜撰



賦曰下而...

賦

...

...

...

...

...

...

叙言

余族包氏楚大夫王孫申包胥之後以父王字因氏之漢唐多名儒史冊具載越有宋孝肅公家聲益振本大枝繁散處如列星南渡後學錄公扈駕至臨安而包氏有居武林者居嘉禾者天台者茗雪若甬上者振振繩繩遇陌上恆至叩姓名若不相識嗚呼族云繁矣歲乙未秋杪余携猶子巽行遊雙溪寓姻家雅庄聞有黃溪包氏聚族而居亦孝肅一派東陽與永康相距百餘里因策蹇往遊至則族人歡迎如故班次相見怡怡一堂翌日相率入祠考系輩其始祖壽年公卽吾杭譜所載六世祖景年公之胞兄弟也以世序及余故年相若而分叨長焉嗣是宦途鹿鹿不與族人歲時伏臘觴酒言歡者十四年於茲矣丙午歲余守毗陵攝鎮篆其屬有丹陽江陰考其縉紳冊內包姓



居半公事接見之時詢係南渡嫡派余竊喜寒族之不孤也戊申烈先姪來署問族人近年事備述某某登賢書某某力稼穡族無淫人家無官事余曰噫族繁而不偷吾族之幸也烈先携家乘考訂因誌武林與黃溪支派如此

皆

雍正六年歲次戊申小春穀旦

賜同進士出身中憲大夫知江南常州府事加一級紀錄五次

後裔 括誌

本族重修譜序


己卯之冬族譜告竣余叅末議校閱舊文慨然於成始者之難而繼起者之不易也源流澄徹支派分明藝文垂範於無窮行傳遺徽於不朽譜之所繫大矣哉我黃溪丙三公自元肇遷而後迄於今四百六十三年凡十八傳而歷代修殘補缺踵事增華亦越有八冊籍蔓延成編繁賾第恐生齒日繁彝倫攸斁久而無所紀也於是謀之各房咸欣然許可集嗣議葺遂延劄厠氏以鉉諸梓夫一族之任歸於數人則受一族之寄者安可自諉是用夙夜孜孜遍稽舊章詢諸故老叅以見聞重加纂輯缺者補之訛者正之新者續之紀述雖鄰於塞責校刊實致其辛勤卷分類別井然有紀舉凡昭穆之尊卑習俗之淳樸聲明文物之燦著忠孝節義之昭垂大書特書罔有闕焉是皆所以

色上... 鴻圖德周同校  
明彛倫敦教化風俗自此歸厚家乘藉以重光豈小補哉後之  
覽者其亦有感於斯夫

皆

乾隆二十四年十月既望

十四世孫懋熠薰沐拜書



癸卯重修家譜序

余族譜自己卯重修屈指歲星已二周矣余時未遊庠獲侍先君卓齋公於局中昔之預譜事而今在者族叔輝采等數人而已又皆頭童齒豁再遲之數年懼無復有見而知之者因倡議重修族之人亦唯已許可乃起局於春三月之六日閱數月而告成族之人相與屬余序之余惟後之修譜者不可不知譜之當修而又不可不知譜之不易修也本族始祖丙三公孝肅公十五世孫也挈其子福四公於元大德丁酉三月之朔來遷福四公二子長壽一公幼壽二公而前後宅分於是前宅面流而居後宅負山而處食指日益衆煙火日益稠前後宅不足以容之有析而居於宅之東者宅之南者宅之西宅之北者甚有析居括蒼之東樓東越之沃州東甌之安固者猝然相遇途

之人而不知其爲族之人非修譜以聚之則祖宗一氣所分無由合且時過久則遺忘多非所以敬宗收族也此譜之不可不修也然家之有譜猶郡邑之有志國之有史也志與史而敢易言修乎我

皇上稽古右文文教所敷薄海內外罔不率被故諸族彥皆寢食經史薰香班馬分卷讐校訛誤一空視假手外史氏其得失何如也且人情孰不欲美其祖父索米而爲之作一傳是誣其先也人情孰不欲廣其墳墓偏黨而爲之梓一圖是速之訟也人情孰不欲繼其所愛而尊其所嬖異姓亂宗以妾爲妻是污其譜而辱其祖也然稍拂之則弱者腹誹強有力者悻悻然怒目相視非舉一族之人而聽之五六人舉族之五六人而裁之於一二人其勢必至於滋事此譜之不易修也今譜成而族無聞言

後之人深思而自得之可以言修譜矣余次男芹肆業武林得與諸先達遊非不能得一言以爲譜牒光而諸同事以爲不必求諸遠也因約畧序之以告後之司譜事者云


皆

乾隆四十八年歲次癸卯秋

十五世孫德潛撰

男太學生廣膾

縣學生芹校



黃溪包氏丁卯重修宗譜序

自古華宗望族忠孝傳家天必生名世之臣扶植綱常以光前而裕後若宋龍圖孝肅包公之樹儀型於嘉祐朝是也自古敬宗收族繁昌衍慶又必有纂修之彥宜昭義例以繼往而開來若大方伯簡齋包公之製叙言於我

世宗朝是也謹按包氏宗譜肇修於前明正統八年迄雍正十三年乙卯凡七修舉其大綱各派皆以合肥復初公爲始祖尊所當尊也惟防軍則以始遷東陽黃溪丙三公爲始祖親所當親也尊親之道備而源遠流長本大枝茂皆詳於方伯叙言中惟是由乙卯至己卯歲星二周矣族中人文日益盛則所以議修譜者日益詳非椽筆其能勝任歟所幸孝肅公第十五世孫明經雲津公擅體大思精之學篤水源木本之親自修自序去弊之



大者有三一監受米作傳之失而弗誣其先焉一鑒於圖繪墳  
 墓之失而早清訟源焉一矯夫愛所繼尊所嬖之失而異姓不  
 亂宗名分無所替焉其表揚先德興起後人洵足紹龍圖而接  
 方伯之心源矣且夫貽謀而繩武者法祖之大經父作而子述  
 者克家之隆軌余忝司吳寧鐸二十年與儉堂寅長為詩友丁  
 卯之秋其族之耆宿雲溪雲村諸生出癸卯後廿四載重修之  
 譜介儉堂屬余為序余不敢以不文辭爰捧全帙觀之義炳日  
 星多與包氏先賢相印合讀勅書龍文炳蔚不皆有合於唐之  
 集賢學士齊名四傑乎讀家禮採俗通經儀節宜今宜古有異  
 漢之郎中立精舍作論語章句乎讀家法小學提綱仰效徽國  
 文公紫陽遺意有異宋之希賢公著史事類闡易春秋二經精  
 義乎讀世範諭俗恒言家喻戶曉有異漢之嗜學好義貯書建

卷堂者乎凡此皆族諸先達所手輯而邇來諸生所續成之者也又宗祠考載有太翁率長君廣暨儉堂創造奎光閣虔申享祀以鼓勵族中英俊其培植佳子弟何如耶方今聖天子一道同風統寰宇而昭雍睦况包氏黃溪善地盤山磅礴於峴山之南環帶大江鍾靈毓秀族之麟角鳳毛各聲繼乎祖宗功績著乎鐘鼎當亦如龍圖閣之照耀古今焉爾謹序

時

嘉慶十有二年歲次丁卯南呂月中浣穀旦

南巡召試二次棟選知縣金華府東陽儒學教諭加二級前吳寧書院掌教仁邑李如蘭頓首拜撰



旌義包氏家禮并家法序


東陽義門包生時任者自乙亥與余兒應麟就試事於督學滕公並稱佳士夙契若干年矣向無故至余邑今年春突買舟而來戒幣束纁投刺於吾兒時余不知也且未接其貌偶見間欲起相避兒遽曰包友爲謁大人來也幸毋避遂進步而迎禮焉坐頃出其令兄西川時澄者所演家禮家法暨所集小學提綱袁氏世範諭俗恆言彙成一編已付刻成書祈予序諸首簡以訓其家余手閱之覺有綸緒遂袖之而歸竟其巔末因喟然曰此君一齊民耳胡其思之精而見之審也其詞簡其理長其教切質之聖賢而不謬行之士俗爲咸宜苟能習而熟焉久而化焉將見倫教復明無論世家巨室相與感慕興思雖蚩匕之氓亦知向義畏法矣其裨於明盛之化理非淺鮮也包氏之族云

乎哉麟其識之遂叙其端以復包子之請畱其原集將命工梓  
之以廣其傳庶由家而邑而天下也

皆

萬歷庚寅四月既望

澱江釣叟胡 億拜敘



包氏家禮序

愚嘗遐覽古昔乘傳所載淳風懿行所云一家之三代令後世  
欣艷景慕如漢萬石君家唐柳氏宋司馬氏顏氏呂氏皆以家  
法名世大都有仁厚君子爲之長以身率先之故一族之長幼  
易於孚化如風行草偃然每猥云古今人不相及乃今何幸於  
包氏西川翁見之翁世居吳寧南厥祖旌義孟初翁富而好禮  
迨今子姓繁衍不啻萬餘指翁躬行孝友仁厚敬讓鄉邦推服  
其所以率先者至矣歲戊子續修譜系顧念冠婚喪祭葬五者  
禮至大世俗浮靡一切戾於先民之程乃考文公家禮酌其宜  
於士俗合於人情者類爲編輯以爲一家訓緣諸古而不泥於  
古宜於今而不徇於今其言甚邇其行甚便庸人孺子皆可曉  
其義而不覺其拘即使紫陽復生相與印證亦必深嘉樂道以

為得古人斟酌典禮之意矣以此率而循之久而化之視漢唐  
宋諸名家將無多讓他日司世教者觀風問俗行且揭而頒諸  
四方永為篤信好禮者式則是禮也又豈獨旌義子姓之所得  
而私哉愚方慨古禮之久煙而慶翁之能有成也於是乎言

皆

萬歷己丑孟冬月

永邑廩生順齋應祥撰

旌義包氏家法序

家法一編凡三萬餘言

旌義公五世孫時澄父江與弟時益甫添互相參酌所著名曰慶和堂家法意以訓飭厥堂下子孫示不敢僭也是歲庚辰春宗譜告成族之宗老明達者堅請公之登之以垂永久余既參之衆議酌之士俗訂之經傳合宗約而刪定之矣廼會諸宗盟謀所以校鍜之者衆曰尚慎旃哉尚慎旃哉是未可以輕委也必謹持家法者而後可以校刊家法苟非其人非所以示我族人也二難喟然嘆曰猥承祖宗而修明家法子孫分也凡力之所可効者宜無吝敢以些須之費復重勞吾族人哉遂命工繡梓以廣其傳再越月而奏功是知能服善者足以服人信不誣也包之子姓誠能篤而信之敬而行之循而久之由是教成於



家化行於國其所以裨我

聖明重熙累洽之盛治者端非淺鮮矣然則是梓也豈徒爲紙上之  
空文哉因序其詳以弁

皆

萬曆十八年暮春月哉生魄

外史赤城梁嘉猷謹撰

包氏家法序

嘗謂國有國法家有家法皆所以維持世教振古以來所不廢也顧所貴於立法者本之素履驗諸信從合乎人情宜乎士俗不離日用常行自足以挽世風於三代之盛斯善於法者矣包氏家法編梓於族彥時澄時益輯洽以五禮月會印證以先哲格言其言痛快而感激其事刻核而可行儼然民胞物與之量廓然大公無我之心隱然憂時救世之志深思遠慮靡所不至誠可謂昭代不刊之典永世傳家之寶矣包之子姓信能服膺而力行之一家其三代矣由是而吾宗吾黨起而慕其義亦法其法焉一鄉其三代矣又由是而家誦其言戶著其行長厚之風於焉四達舉世其三代矣其於國家修政立教之意豈曰小補之哉苟或宣之宗祠而敗之於其行垂之譜牒而毀之於

其身訂之一時而弛之於持久則所謂家法者文具已爾美談  
已爾豈二子之所望於子姓者豈余之所望於包氏者耶昔黃  
溪五世祖孟初包翁躬行仁義旌寵於朝厥子伯俊公克肩其  
志余世大父平仲爲翁館甥竊承德教興復義庄冰清玉潤彼  
此相輝映復得香溪童先生爲之石交介紹於楓山先生之門  
競相砥礪於名檢兩家家法實世相維持者故余於茲刻之成  
頓忘固陋因僭爲之序而不覺其言之慙也

皆

萬歷十八年孟冬吉旦

眷生陳惟儀拜手撰

汝貞父諒校梓

勅集賢院學士包融

經筵之任不患乏人翰苑之司最宜慎重爾包融文章邁衆丰  
度出羣真學士也以斯人充館職足爲經筵重足爲翰苑光特  
名爲集賢院直學士進講發明以匡不逮仍賜盤龍金盃一器  
以彰殊遇往惟欽哉無替朕命

勅命

開元四年八月

之寶

勅開封府尹包拯

奉

天承運

皇帝制曰樸資古貌鐵膽銅肝幹旋宇宙燮理陰陽撫循良善懾

服豪強鬼神聞風而胆破虎狼歛迹而魂颺象簡動九天星斗

寶劔慘萬里冰霜烏臺肅整紫禁光芒今擢卿為開封府尹法


無私親治先貴戚所謂性同金石之確笑比黃河之清信其然

矣爾其欽哉

勅命

慶歷五年十月 日下

之寶





御讚

天怒神鑒

毫無私曲

法象雷轟

明同鏡燭

中外澄清

朝綱整肅

剪惡鋤強

狐藏兔伏

親拘公庭

神號鬼哭

龍圖包公生平若何肺肝冰雪胸次山河報國盡忠臨政無阿

杲也清名萬古不磨

按彈河南王溥化撰

聲名軒翥天地學植貫穿古今里夫嫠婦載歌載頌遠方遐郡

如玉如金其鄭子產之惠愛唐魏徵之善諫披圖肅拜可尊可

欽

行御史中丞東平王士熙撰

面目稜也剛氣烈烈執力苞苴莫我敢奪嚴肅者政苛刻匪心

非漢法吏乃古直臣

翰林學士建安楊榮拜撰

包月... 錫益汝掖同校

錫益汝掖同校

勅授龍圖閣學士 奉

天承運

皇帝制曰我

皇宋

新運輔臣稱職臺諫得人號稱清平矣邇來狐鼠旁窺

權奸跋扈得寬漏網緣重臣撓法姑縱至此也爾包拯起

令尹而歷京畿繇郡邑而居殿陛諸奸盡殄百屈俱伸豈

黑獄開青天冥地轉紅日而卿其陽世閻羅乎不然胡其

異政昭々而實績比々若此也其進殿中侍御史授龍圖

閣直學士仍賜青銅一柄鐵印一顆及大刑具六條一切

權貴不拘疎戚及禁府州邑市里敢有強橫侵霸恣逞無

忌不如法者仍憑施行毋得姑縱容隱一惟克振朝綱肅

清中外以體



朕意是勅

勅命

慶歷六年三月

日下

之寶

勅加右丞相


奉

天承運

皇帝制曰臺諫之臣後先殿陛但塞責者多而精忠者少也爾  
包拯忠肝懸日月正氣塞乾坤怒奔五岳明閃日光操同  
白雪笑比黃河權姦歛迹貴戚寒心蓋鬼神並懼而

帝天獨鑑者也今起爲殿中丞再加右丞相爾宜殫職用光

簡命



勅命

慶歷七年八月

日下

之寶

誥封李氏夫人勅

奉

天承運


皇帝制曰自古臣之匡主婦之相夫必能稟天地之正氣斯能  
爲國家之忠賢爾包拯始以鉄面御史肅清朝野後以赤  
心宰相扶植巖廊自非內助得人中饋稱職能如是耶爾  
妻李氏特封爲清正一品夫人從夫並貴與國同休

勅命

慶歷七年八月

日下

之寶



勅除知江寧軍府事

勅龍圖閣直學士朝散大夫行尙書兵部員外郎知池州上騎  
都尉丹陽縣開國伯食邑八百戶賜紫金魚袋包拯頃因  
外舉之累降守遠方之麾江左小邦池州僻地不足煩吾  
侍從之臣也卿素履方正操檢純厚三仕不見其喜一言  
可以興邦機識精詳縉紳推服宜君大府俾福一方建業  
提封尙有六朝之盛秋曹應宿時乃白雲之司兼以爲榮  
示吾求舊黃堂班政方倚重於分猷皂囊奏封尙無忘於  
箴闕欽刑恤隱何假訓辭可特授尙書兵部郎中依前充  
龍圖閣直學士知江寧軍府事兼管內勸農使替尙傳式  
散官勲封賜如故仰交割軍州公事與以次官員權管勾  
訖仍放謝辭發赴本任

至和三年八月

日下

奉

勅如右牒到奉行

中書令

中書侍郎

刑部員外郎知制誥臣宣奉行

翰林學士兼侍讀學士中書舍人判偉


左僕射  
右

禮部員外郎知制誥權同判絳

兵部員外郎知制誥權同判奎

尚書司封員外郎充崇文院檢討判公著

主事令史書令史都事高允迪受付禮部



包孝肅公誥詞跋

翰林侍講學士知制誥同修國史兼太子贊善大夫後學景濂  
宋濂撰

右包孝肅公誥詞一通其孫宗禮所藏以古錦裝潢成卷請濂  
爲之題識濂不敢讓因疏其事而歸之其云龍圖閣直學士朝  
散大夫行尚書兵部員外郎知池州者宋制於庶官之外別加  
職名以勵行義文學之士出於一時恩旨非有必得之理所謂  
龍圖閣則大中祥符中建在會慶殿西以奉熙陵御書直學士  
則祥符四年置班在樞密直學士下至祥符六年始詔結銜於  
本官之上尚書兵部員外郎卽係階序初不掌其部務乃元豐  
所改朝請郎若知池州則其職事也其階自兵部員外郎轉刑  
部郎中者六部分二十四司其兵刑工三部非歷館職任轉運

副使以上者不遷。公嘗爲京東河北轉運，故有此擢。然兵部員外郎在前行，刑部郎中在中行，由前行員外而陟中行郎中，此超遷之法也。其云中書令、中書侍郎、刑部員外郎、知制誥、臣宣奉行者，凡中書所出命令，皆承制書旨，以授門下省，令宣之侍郎奉之，舍人行之，畱其所得旨爲底，而謂刑部員外郎、知制誥者，當時三省無定員，故以他官掌之也。其云翰林學士兼侍讀、學士、中書舍人、判偉者、中書舍人，凡六員，亦爲所遷官，實不任職。復置知制誥及直舍人院，主行詞命，與學士對掌。內外制舍人有闕，故以學士兼之。偉當是楊偉，時與歐陽修、胡宿、趙槩、楊察並爲學士也。其云左右僕射不名者，宋初命相必曰同中書門下平章事，乃爲真拜，而左右僕射皆爲空官，相銜帶之亦以寓祿秩序位品而已。時文彥博以吏部尚書同平章事，富弼以

尙書戶部侍郎同中書門下平章事其銜當帶之雖不名  
必知其爲三公也其云禮部員外郎知制誥權同判絳兵  
部員外郎知制誥權同判奎尙書司封員外郎充崇文院  
檢討判公著者絳乃韓絳奎乃吳奎二人者嘗以言事被  
黜奎知壽州絳知河陽府召還尙書未久公著乃呂氏著  
方居下僚後三十年始與文彥博共秉鈞軸而謂判與權  
同判則眞領其職事者也其云主事令史書令史者三省  
皆有之呼爲省吏唯尙書最多至於六十有四都事三主  
事六令史十有四書令史三十有五守當官六各分房分  
日而祇事也其云都事高允迪受付吏部者蓋門下吏上  
受之中書下付之尙書必歷三省而後備所以誥命聯著  
三省位銜也其云至和三年八月日下者至和止二年而



三年爲嘉祐元年今云然者三年九月庚寅命宰臣攝事  
於太廟辛卯恭謝天地於大慶殿大赦改元制下乃八月  
之初所以尙稱三年也惟公居家孝友立朝剛正清風峻  
節百世師法有不待區匕末學之所褒贊姑以舊聞疏之  
如右文質直而無潤飾庶使世之讀者咸悉其諦焉公平  
生遷官凡二十有七此乃二十一次所授制中謂白雲之  
司蓋黃帝時以秋官爲白雲公遷刑曹故行詞者援其故  
事云

勅浙江金華府東陽縣民包孟初

國家施仁養民爲首爾能出稻穀二千三十石用助賑濟有司以聞朕用嘉之今特賜勅獎諭勞以羊酒旌爲義民仍免本戶雜汎差役三年尚允蹈忠厚表勵鄉俗用副朝廷褒嘉之意欽哉故勅

敬 天 勤

正統六年閏十一月初四日

民 寶

斯民可百年無貨不可一日有饑東晉元興之間三年大饑膏粱貴戚之家皆衣羅紈抱金玉閉門相守而餓死以此言之金玉何用哉此蓄積糧儲所以爲當代之急務也我

皇上於被災之民多方存恤至於出財用給貧乏者亦加旌寵不惟

貧民受惠而富室亦蒙德澤以一紙

璽書之榮活無數黎民之命所操約所濟廣

皇猷大哉

皇仁溥哉然草茆介士能仗義施仁出穀粟二三千石上副

朝廷子惠元匕之意身享榮名厥子孫亦有冥福後祿士君子有

民社之寄者或視同胞如秦越人然視此尚有感焉

誥封光祿大夫柱國少保禮部尚書兼武英殿大學士國史館總裁

同知經筵事南郡臣楊溥跋

勅旌尚義寧一包公贊

植義行仁間世之英屢徵孝秀晦日隱身拓地萬畝壽躋九旬

厥謀燕翼發粟賑貧

天章褒錫偉哉芳名

禮部尚書兼武英殿大學士

楊溥拜題

封贈包樵誥命 奉

天承運

皇帝詔曰恩彰下逮勉篤棊於羣寮家有貽謀本恩勤於大父  
用溯源流之自爰推綸綍之榮爾包樵乃拜他喇布勒哈  
番牛录管甲喇梅勒章京包有亮之祖父植德不替佑啓  
後人綿及乃孫丕彰鴻緒休貽大父聿觀世澤茲以覃恩  
贈爾爲通議大夫拜他喇布勒哈番牛录管甲喇梅勒章  
京錫之誥命於戲垂裕孫謀已沐優渥之典崇褒祖德用  
邀錫類之仁貽厥奕祚佩此新綸

勅 命

順治八年八月

日下

之 寶

封贈陳氏淑人誥命

奉

天承運


皇帝制曰一代褒功勸酬示後再世承恩崇獎及先績旣懋於公家寵宜追於王母爾拜他喇布勒哈番牛錄管甲喇梅勒章京包有亮祖母陳氏爾有慈謀裕及後昆念茲稱職端由闡教爰錫褒儀之貴用昭種德之勤茲以覃恩贈爾爲淑人於戲遡其家法愛勞旣殫先圖賁乃國章昌榮益開來緒永期丕贊用席隆庥

勅命

順治八年八月

日下

之寶



封贈包文明誥命

奉

天承運

皇帝制曰揚名顯親爲子者願以令德歸之父考績褒賢教孝者宜以高爵作之忠是用推恩特申休命爾包文明乃拜他喇布勒哈番牛彙管甲喇梅勒章京包有亮之父義方有訓式穀無慚念爾嗣之勤勞旣克家而報國俾爾澤之昌大爰錫類以昭仁茲以覃恩贈爾爲通議大夫拜他喇布勒哈番牛彙管甲喇梅勒章京錫之誥命於戲教誨爾子永勿忝於家聲聿修厥德尚無負於國恩欽承寵命慰爾幽靈

勅命

順治八年八月

日下

之寶

封贈陳氏淑人誥命

奉


天承運

皇帝制曰國體勞臣必溯源而沛澤家崇並引爰歸善於厥生盛典  
維新闢儀愈著爾拜他喇布勒哈番牛叅管甲喇梅勒章京包  
有亮母陳氏幃範克端胎教居身教之先慈訓惟勤能愛在能  
勞之後宜沛貶封用昭母德茲以覃恩贈爾爲淑人於戲子情  
罔極感顧復而敦孝國綸普被念劬勞以䟽榮嘉乃恩勤褒其  
遺範

勅命

順治八年八月

日下



之寶

封梅勒章京勅

奉

天承運

皇帝制曰褒忠表義昭代之良規崇德報功聖王之令典特頒恩命以獎勤勞爾拜他喇布勒哈番牛录管甲喇梅勒章京包有亮爾從事戎行克自振拔爰膺任使洊列官階管梅勒事勤勞奉職錫之顯秩旌厥成勞盛典旣逢寵命宜沛茲以覃恩特授爾階通議大夫錫之誥命於戲恩推自近乃宏獎夫崇階業廣惟勤尙克承夫寵錫欽予時命勵爾嘉猷

勅命

順治八年八月

日下

也氏在義宗普

道光辛卯重修



之民寶

封贈淑人陳氏誥命

奉


天承運

皇帝制曰夙夜維勤人臣寧遑內顧伉儷無忝國常豈勒隆施錫章  
 服以酬勛念閨儀之媲美爾拜他喇布勒哈番牛彘管甲喇梅  
 勒章京包有亮嫡妻陳氏克勤內德宜爾室家眷良臣靖恭之  
 猷賴淑女勛勩之助爰褒令範式沛新綸茲以覃恩贈爾為淑  
 人於戲敬爾有官肅閨門而合好職思其內尚黽勉以同心祇  
 服殊恩用昭闔德

勅命

順治八年八月

日下



之寶

一品夫人鞏氏誥命

奉

天承運

皇帝制曰宜家無婦勞臣不免於內顧之憂繼室有人盛朝應恤其相夫之德何分先後並賁褒綸爾拜他喇布勒哈番牛彖管甲喇梅勒章京包有亮繼妻鞏氏嗣操閫政克相夫綱幃有前徽旣見和柔合德延申再命用彰黽勉同心茲以覃恩封爾爲一品夫人於戲內則是嫺允垂光於青史令儀不忒宜加茲於深閨尚克欽承以昭寵命

勅命

順治八年八月

日下

之寶

陳鞏兩夫人誥命同時乃繼室封一品夫人正室僅封淑人  
似於各分不合查世傳益四百八十七名下原配鞏氏偏房  
劉氏側室楊氏又周氏並無陳氏標出意誥詞與世傳必有  
一誤誌之以俟後之攷覈者

辛卯謹誌

○家禮採俗通經儀節

嗣孫 時澄甫 江序輯

華溪 應祥 校正

外史 梁嘉猷 刪定

梓人 趙德慶 繡鉸

冠禮叙

夫冠者成人之稱也將責之為人子為人弟為人臣為人少之禮也古禮不行於今故今人不古若也習俗移人雖賢者不免深慨不可復也因撰命冠辭一道以為知自勉者勸古曰丈夫之冠也父命之又曰三加又曰成人之道豈徒以長太宜冠云爾哉蓋有大不然者故於父母也必孝順於兄弟也必友愛於君臣也必忠敬於朋友也必信義於夫婦也必和好於鄰族也

必親睦不但是也又當謹於言行忠於人謀明於取予勤於職業凡遇長上年長以倍則父事之十年以長則兄事之五年以長則肩隨之母疾行失序毋謔浪笑傲毋酗酒失德問及則起對欲言則正立庶無忝於成人而俯仰無愧怍矣如曰姑舍是則與禽獸奚擇哉特為教戒謹用思勉

冠 男子十五至二十身及父母無期以上喪始可行之

先期

或先一日或即本日之辰

主人引當冠者告于祠堂

宗子法廢父兄主之可也古者冠必於廟所以尊祖也無

祠堂及去祠遠者即於廳堂賓室中皆可也

具香案紙燭行四拜禮拜畢斟酒跪祝曰維年

月某朔某日嗣孫某敢昭告于某祖考妣之前曰某子某年漸

長成將以某日時加冠於首謹以常禮用伸虔告祝畢復行四

拜焚祝文辭神而退

古人冠禮必擇親隣齒德尊崇者一人以禮次第加冠先期戒宿蓋重其事而敬之至也而今不復然矣愚意少做遺意

敦請鄰族有齒德者一人主之庶冠者亦將謂冠我重我蓋必欲我效而似之豈可不以成人自重而自勉自修哉

至期○夙興潔淨堂宇陳設香案及當分冠服及盥櫛之具主人  
引當冠者謁賓七及父兄引當冠者拜告天地畢次第遍揖於  
在坐者禮畢賓命當冠者就位洗面理髮通直主者爲之執髮  
成髻加掠光淨輒以網巾束之賓乃舉直加之服畢乃申三祝  
之辭古人三加之禮必制三等冠服深致屬望之意程子曰冠了又不常服卽是僞也必須用時之服云賓揖冠者卽席跪聽○

始祝曰吉月今日始加元服棄爾幼志順爾成德壽考惟祺以  
介景福○再祝曰吉月令辰乃申爾服謹爾威儀淑慎爾德眉  
壽永年享受胡福○三祝曰以歲之正以月之令咸加元服兄  
弟具在以成厥德黃耆無疆受天之慶祝畢卽具菓酒而做醮  
禮者取酒南向祝曰旨酒旣清嘉薦令芳拜受祭之以定爾  
祥承天子休壽考不忘冠者卽席受酒跪而少致酒於地與賓  
者三飲而退或及從者各飲數盃拜天地及拜謝父兄賓者而

退

月朔會日主人引冠者見於祠堂以香燭禮祝曰禮儀三百莫重於冠某幾子某嘉禮告成敢用率見伏惟啟佑俾之成人勿墜先志謹告禮畢主人率冠者拜謝宗族尊長更相致賀然後退  
居應立之位聽講家法

笄。女子將嫁先期擇日而笄父母姑嫂姊妹引女謁於祠堂

俾知有祖

宗也

具香燭祝云嗣孫某之女某受聘於某宅某人之第幾子某

今已及笄將有事于歸惟神有知尚克祐之禮行四拜一如冠儀禮畢拜見在祠家長及叔昆輩賀謝一如冠禮。家長因詔之曰今日爲吾家女明日爲他人婦貞淨惠和以守閨範毋貽父母之憂毋致宗族之玷再致揖謝而退庶知警畏而慕貞潔也女子謁祠堂於朔望若遇通會另擇吉日拜謁庶不致男女

混雜無別也

昏禮叙

夫婚姻人道之始也上以事宗廟下以繼來世有夫婦而後有父子有父子而後有兄弟有君臣有朋友故君子重之不敢忽焉者也近世婚嫁惟計裝奩之厚薄聘財之多寡而婦與壻之性行家法悉置之而不講正所謂婚娶論財夷虜之道也司馬溫公有曰凡議婚姻當察其壻與婦之性行及家法何如弗苟慕其富貴壻苟賢矣今雖貧賤焉知後日不富貴乎苟爲不肖今雖富貴安知異日不貧賤乎婦者家之所由盛衰也苟慕一時之富貴而娶之彼挾其富貴鮮有不輕其夫而傲其舅姑者矣養成驕妬之性爲患其有極乎又有好於襁褓童幼及指腹割襟爲婚者不惟歲月長久禮費浩繁抑或有死生不測或貧



富不同或有不肖無賴或從宦遠方遂致棄信負約速獄致訟者多矣更有惡病痼疾從其所約則事關宗祀必背其前盟彼方責以信義彼此奈之何哉吾家男女必俟其長成然後議婚故終身無此悔此先正之格言乃吾族子孫所當遵法者也  
婚○男子年十六至三十女子年十四至二十身及主婚者無期以上喪始可行之

### 議婚

凡男女議婚初媒妁以言相通可否便當決於胸中如可者辭曰從容姑俟長成以聽天緣更當於宗祠月朔會日質諸家長以決從違衆曰可然後納采成禮仍於次朔會告曰某男女某已與某宅某人之女締姻矣乞爲登之副譜家長命司譜者書之族衆從而賀之不必更詣其家重勞晉接如不可者卽當拒

絕毋令煩數往來多勞費而取怨懟矯異議以生訟端如不聞  
宗族者責戒警後且男女婚娶各自有時至如指腹割襟律有  
明禁俗有鷄子毛衫頭帽羹盒先爲餽畀及至時日久長事勢  
掣肘遂致怨曠速獄破家者有之皆失之於授受之初也各宜  
深戒以成風雅

問名。卽世俗約定親之日也

致親翁書式。伏惟好逑垂重於詩婚姻正始於禮頃聞媒氏過  
譽遂蒙垂允甄錄豚兒某敬涓某日之吉寅修納徵之禮楮豫  
申伏祈台鑒

致媒氏書式。敬啟小豚某寵荷良言得諧佳偶感恩已不細七  
矣茲蔡某日之吉敬修納綵預楮告虔伏惟轉致某宅親翁大  
人門下至期尚容叩迓不宣

納綵○卽古禮所謂納徵也

書式○仗承不鄙蕪陋俯從媒議慨以某閨玉貺室某之幾子某

敬乘旭旦禮行納徵小

兒孫

所生年月開具如左敢請令愛玉姪

女名字及生年月日時將以告諸家廟伏祈台鑑不宣

復書式伏蒙不棄過聽媒言采僕之某孫女作配賢嗣某人茲辱

納徵謹以所生年月日時開報如左伏祈尊慈鑒納不宣

請期○卽俗所謂催親是也

書式○伏蒙尊慈不棄海納小兒孫某人茲已冠笄允宜家室敬

涓某日之吉合卺成禮預此請期尙容奠鴈伏冀允諾不宣

託某氏書式○伏蒙主伐締好名門顧婚姻之邂逅有時而男女

之冠笄兩稱敬卜某日良辰奉行奠鴈伏祈委曲贊襄俾令協

吉則成始之德益厚於終矣崑楮冒干不勝馳越仰望之至

復書式。○伏承教命，敢不聽從。第恐弱息未嫻，內則不堪箕帚，吉期垂示，敢不勉令觀禮於各門也。謹覆。

親迎。○卽俗媼之禮是也。

奠雁。○今轎前魚雁卽是遺意。

親迎之禮古者儀節最詳，世俗久廢，致兩家多遣輿騎美飾盛服，迎送中道，行厨豐饌，以及僕從賞勞多者十餘金，小者三五金。據此甚爲虛禮。近奉 邑主蒲陽嚴侯鄉宦東麓盧公頌示，詳允禁奢靡條約，新郎躬自往迎，女家兄弟伴送中途一見而別，旣省妄費，且得古禮遺意，必當遵守。

拜堂。○新人將及門，候吉時出轎立廳堂中，夫婦相並以寓齊眉之意。主人率同族衆男先，女後拜祝天地，令子弟一人高聲祝曰：男室女家人之大倫，禮重婚媼，嗣源所係，共承宗祀。自今日

始神其佑之俾之宜家宜室多男子多壽祉謹告祝畢行四拜  
禮新人轉身北向拜舅姑以申初見之禮夫婦交拜如儀族衆  
相候迎者男女各一揖夫卽前導女使扶引新人以至洞房東  
西相向共宴花燭以寓倡隨之義卽古合巹禮也世俗入門止  
拜天地舅姑夫婦交拜迎候族衆俱勿揖拜似非禮體故必拜  
揖而入拜謝之禮姑俟告家廟時同申可也

婦儀。新人成禮次辰夙興丈夫率之至舅姑寢門外問候安否  
令女奴具茶湯而隨女使通之至奉茶湯而退辰而揖晚而問  
寢如是者三日舅姑乃屬女使辭曰新人能知大禮實我蘋蘩  
之幸辰昏問候禮宜斲止非有疾病不汝勞也次早問候如初  
尊者固辭乃止此教婦初來也

廟見。古禮娶婦三日廟見今難盡泥但於月內擇日舅姑妯娌

陪至祠堂具香燭排列世室主人引之座前再拜告曰某之男  
某締姻某宅某人之女今已成婚禮當廟見神其佑之永昌厥  
嗣又再拜降階併拜謝未見之家長畢退肅立西席家長曰某  
孺人初至未知吾家法可講女訓一通庶知勉修婦道司講詣  
案前司鼓者擊鼓三聲高聲講曰凡人家之興與廢和與不和  
莫不由於婦人凡爲婦者要孝順舅姑恭敬夫主和睦妯娌慈  
愛兒姪惠養奴婢勿無事而出閨門勿傳言以唆是非勿妬刻  
以苦奴婢弗徇私以竊公帑勤而織紡潔而器具敬而賓祭毋  
預外事毋玷閨範如是謂之賢婦於爾父母有光爾之家道必  
興爾之子孫必然蕃衍有乖於此卽非士女天道福善禍淫爾  
敬聽之以毋怠毋忽諸婦再歛衽而退  
家長卽就祠下行慶賀之禮不必更詣其家以滋煩擾古婚禮三

日不舉樂思嗣親也。奚以慶爲。舊有花燭酒燕無裨禮教。殊爲虛費。今參酌衆議。釐爲五等。上上戶酒禮折銀二兩。上戶一兩六錢。上中一兩二錢。中戶八錢。中下四錢。俱入公祭。旣省往來之費。又廣公祠之蓄誠。一舉而兩得矣。除親厚禮不可廢者。不論其餘一切裁革。不遵者罰貧。極不能成禮者。免幼養媳婦。許附行禮時聽講。毋自歉阻。

### 附婚禮家範六條

一議婚當擇良媒。○婚媾非媒不通。惟行媒之言不可盡信。其給男家必曰女美且多資。送給女家必曰男富且肯厚聘。輕信其言。兩相責望。由此親戚睽乖。夫妻反目。以至仳離者。有之。故須行媒。通名之後。慎擇端方正大之士爲之主事。庶無違言。毋惜小費。以貽後悔。

一婚嫁當稱人家。○人家嫁女當隨力量。世有廢產破家以充奩遣者。誠爲太過。至有貲蓄贏饒。視爲他人。不以分遣者。却不想男女均是吾子。世亦有生男不得力。依托女家。衣食葬祭者矣。○男子擇婚。古人嘗取五可之族。爲其種賢而多子。端正而清白。今有苟慕富貴。而與齷齪無恥之徒。結爲姻婭。或扳援顯要。而先墮其家。或畏門第往來。跋涉而不思。向上皆未知古人五可之義耳。

一婚嫁須要及時。○男長須婚。女長須嫁。禮也。亦情也。世有計聘奩而不念兒女。怨曠婚嫁。常致後時。兒女口雖不言。心亦默恨。甚至見之聲色。失身亂倫。逃亡自盡。深爲可畏。誠念及此。爲父母者。得無寒心。

一失姻必須旋聘。○男女聘定之後。或壻女不幸夭禮。宜還原聘。



包上... 卷之六  
一 俾女得再婚壻得再娶誠爲取予無愧親絕而義全矣豈曰  
死失婚女死失聘以蹈無恥之歸哉。○如弟有騰壻亡而全聘  
歸盧姪良珠女亡而全聘歸許二事差滿人意後世子孫當以  
爲式

一 居喪不可嫁娶。○古禮父母凶變男子旣聘將娶聽其他適女  
嫁在途必返其慎重如此世俗有當父母大故之後停喪不舉  
女嫁男婚名曰霍親含悲作喜易凶從吉甚有忍將父母遺骸  
頓置水砂或已歛開棺不掩挨延時日以致穢腐令人不可近  
邇傷敗彝倫莫此爲甚儻曰兩相省苟且於此時孰若兩相知  
以成禮於他日間有事勢不已寧可行之小祥之後猶勝在子  
哀哭之日也又有尊長垂篤之時欲得一見以瞑目或賴此而  
獲愈者此則一時之權豈可藉口於此而盡乖禮法甘心戕忍

也耶

一送媀毋過頑謔○頃聞外府有新人初至云爲三日未嘗爲婦恣爲頑謔莫不鄙其村陋至吾鄉新娶各房年齒相等者備果酒以送新郎互相談笑似亦善謔或有不分尊卑或有懷挾私怨克拳狼肘或潛居床下或竊開門檻或塗汚面目旣非禮分亦失雅觀以此笑彼是同浴而譏裸裎也况夫婦百年始合須要正彩婚姻萬化攸肇何取效尤已後宜一切禁革以厚家風

新壻謁見禮

先期投刺○俗用羹禮通報日期是也

至期○主人尊卑俱至俟於大門之內候新客將至先卑幼次壯者以及老者次第相遜以至大門魚貫而入此則長居前而壯而幼矣至廳堂一行一班行禮或尊者恐致勞客命曰一齊行

禮方得隨便同伸初見之儀可也如申拜謝禮若祖父在必先及之次則岳父及親伯叔翁至於各房一同叙禮便客可也岳母則當另申拜謁於中堂至三五日後主人具香燭引客謁於祠堂禮行四拜凡謁墓謁像俱如之本家子弟他宅爲壻須執守此禮敬其所親人亦敬其親矣凡別時先尊長次卑幼尊長送之大門外卑幼加送候登輿騎再揖而返

尊客往來交際禮。迎送問候起居一如新壻之禮  
喪禮叙

夫喪禮獨詳於他禮者古人自有深意惟送死可以當大事也臨川吳氏曰喪爲斬衰功總之服者其文也不飲酒不食肉不處內室而哀痛迫切者其實也徒服其服而無其實與不服等爾孔子曰喪與其易也寧戚子游問喪具夫子曰稱家之有無

曰有無惡乎齊夫子曰有毋過禮苟無矣歛手足形完棺而封人寧有非之者哉此皆以情而不以文也近世風趨薄惡踈一本之親昧同宗之義非惟實意不存且併其文而不之飾矣又何以爲人而立於天地間哉今采摭古禮摘其易知行者與族之人共相自勉云

### 初喪遷居正寢

古禮疾病先設床於正室東首以受生氣戒內外以待遺言似近於忍且有死而復甦者必俟垂絕時可也

遷正寢惟家長爲然餘皆居於便室示有尊也

屬纊○置新綿於口鼻間以驗氣絕否

禭齒○以一箸橫口中使可含也

復○以死者上服常經衣者令侍者左執領右執腰三呼其名

號於庭還覆尸上招其魂求生之也

被髮徒跣易服不食。古禮諸子三日不食期大功三不食小功再不食此亦難盡拘惟疏水可也

立喪主。長子爲主無則以長孫承重無孫則以次子爲主。司奠饌等事庶子不得爲主

主婦。死者之妻或主喪之婦也

護喪。以子弟力練知禮能幹一二人一主司貨財出入一主司書記吊賻之儀也或顯用一人亦可

治棺。油杉爲上栢木次之俗用松明難得純者張大叅冢郎仰山極言榧木之善余亦經驗然要之俱以赤心爲美其制但取周身不用虛簷高足內外皆用灰漆

訃告於親戚僚友。子弟以其名發書

書式○不孝某罪孽深重不自殞滅禍延先考妣不幸於某月某日卒於正寢忝居姻末敢以訃聞父死稱孤子母死稱哀子父母俱亡稱孤哀子

設魂帛○以白生絹中摺之作同心結安置椅上兩足下垂稍似人形使神有所依前護以桌安排香案紙燭前幔以白布侍者設盥洗之具如平生焉○陳襲衣沐浴飯含之具執友親厚之人乃入哭

襲○設幃及床奉尸於其上

乃沐浴○或亡者自知垂盡求浴以潔身者不必再浴以逆其意浴竟舉襲覆之以衾

乃飯含○以飯實口中不忍其口之虛仍納一錢俗云開口錢也

小斂設布絞。○絞以白布爲之一幅而析爲三橫者取足以周身縱者取足以掩首至足而結於身中先布絞之橫者於屍床次布縱者於橫之上次布衾上布小斂衣裏斂惟宜畢又以一衾覆之據禮衣服之下亦當有衾上下相裹也

主人主婦憑屍擗踊。○以手擊胸雙足跳躍哀之切也

袒衣括髮乃奠。○袒謂露背括以麻編髮不復被也

主人以下哭盡哀乃代哭不絕聲。○卽世俗所謂上靈床時也大斂。○舉棺置堂中少西乃去小斂覆衾

主人執事者俱盥手結絞共舉屍納棺中仍覆以衾。○俗用綿毬充塞完實勿令搖動甚爲得禮貧者以紙易之可也止取平滿克實故紙與綿無拘也

主人以下仍憑哭盡哀乃設奠。○卽俗謂材頭祭也

四拜讀祝。○祝文曰：維年月朔越日，孤哀子某，敢昭告於先

妣考

某之靈曰：某等夙積厥躬，禍延先

妣考

一疾遽嬰九原，勿起茲焉。

斂棺嗚呼已矣，痛哉尙饗。

又四拜。○哭立於旁，以俟各進拜者，乃閉蓋下釘。

治喪儀。○以白布為幃，設香案，受奠，香燭勿用綵飾。

立銘旌。○以絳帛粉書某官某人、之柩、女書某安人某氏之棺。

三品以上長九尺，五品以下八尺，六品以下七尺，庶人止用六

尺。

喪儀禁附見下文。

世俗當祖父母大故，斂置中堂，以竹木架為臺，閣繪以五彩，更

以紵絲綾羅雜錦繡為花旛，壳紙為金童玉女、麒麟、虎豹、犀象

等獸，名曰五牲，皆父母平生所不及見之物，豈所謂事死如生



之義哉且燃香爇紙易於引火一有不測存亡交殆昔鄉彥姚  
獻可者隱居勿仕與葉水心先生爲友將終致書於葉曰煩爲  
我作銘以平生守義不辱爲題死後不得效俗尙俾我神靈不  
安斂後惟置一白布幃置椅桌安頓瓦香爐紙燭於其上知我  
者自當一拜不知者雖拜吾不對也卒後如其言吊者以爲合  
禮今特申明教戒已後一切裁革勿徇俗尚鄉閭達禮者當必  
有以取之主人已下各歸喪次○古禮中門之內擇樸陋之室  
男子喪次寢苫枕塊衰絰不除世俗別無喪次卽居幃前似亦  
合禮

朝夕奠哭○主人以下皆四拜焚香紙哭盡哀如此終七止  
成服○男女巾服悉照家禮疏義七日或三七之內先期戒序  
執事贊禮之人至日設奠主人男婦先拜就立哭泣之位期大

功小功總麻次第加巾服哭拜如儀女子亦如之孝子拜謝之禮亦從服制次第不致後先無序也

弔奠禮○弔爲生者奠爲死者先戒具香燭紙賻之禮具刺通名喪家燃香燭布席立哭以俟護喪者出迎客引至靈前哭盡哀再拜跪上香再拜主人以下俱答拜客將出主人杖哭而出稽顙再拜謝之○客弔主人曰修短有期伏冀節哀順變主人曰某罪孽深重不自殞滅禍及先人伏蒙垂弔不勝哀感再相向而哭護喪者速客於賓次主人復居喪次

酒將徹主人具巾帛以侑○世俗治具豐腆如同喜賀弔客盡醉飽胥爲非禮今特申飭近者一茶遠者一飯知禮者必能垂諒勿我深尤或有加厚亦不得於此時畱意治靡文而忘哀痛也

奔喪。○始聞哭對使者問故易服而行至家披跣哀哭如初喪三日成服如未行爲位而哭已葬望墓而哭

歸喪。○聞變對使哀哭問故兼程而進遠者斂於寓近者奉屍而歸抵家具茶問安遂袒括如初喪餘並如常儀

小祥。○不計閏凡十三箇月先期具饌服練服漚熟麻布也去首經負版辟領衰婦人去經祝云日月不居奄及小祥夙興夜處哀慕不勝謹以粢盛醴齊祇薦祥事尚享期服者相繼入拜易服從吉。○祥者卽祥事也

大祥。○不計閏凡二十五個月儀禮同小祥止改祝云奄及大祥餘並同前祭畢徹靈座斷杖

禫服。○禫澹也淡然平安之意也大祥之後閏月而禫不計閏通計二十七個月具祭祝曰某不幸弗克永承庭訓日月居諸

倏爾服闋制從先王禮不敢越此心傷悲敬陳箋帛尚享遂服

吉服



凡嫡孫父卒為祖父母承重  
服斬衰三年若為曾高祖父  
母承重服亦同祖在為祖母  
止服齊衰杖期


俱總麻  
再從伯叔父

小功  
再從兄弟  
妻無服

總麻  
再從姪  
婦無服

總麻  
從姪孫  
婦無服

凡男為人後者為其本生親  
屬皆降一等惟本生父母降  
服不杖期父母報服亦同不  
杖期



高祖父 齊衰三月	曾祖父 齊衰五月	伯叔祖父 齊衰不杖期	父 斬衰三年	己	子	孫	曾孫	元孫
	俱總麻 曾伯叔祖父	俱小功 伯叔祖父	俱不杖期 伯叔父	不杖期 兄弟	不杖期 姪	小功 姪孫	總麻 曾姪孫	
		俱總麻 從伯叔祖父	俱小功 從伯叔父	大功 從兄弟	小功 從姪	總麻 從姪孫		
			俱總麻 再從伯叔父	小功 再從兄弟	總麻 再從姪			
				總麻 三從兄弟				
				妻無服	妻小功	妻無服	妻無服	
				妻無服	妻小功	婦無服	妻無服	
				妻無服	妻小功	婦無服	妻無服	
				妻無服	妻小功	婦無服	妻無服	
				妻無服	妻小功	婦無服	妻無服	
				妻無服	妻小功	婦無服	妻無服	
				妻無服	妻小功	婦無服	妻無服	

長子象子俱  
正服不杖期  
女嫁降大功

大功嫡長孫不  
杖期孫女出嫁  
降服小功

高祖母  
齊衰三月

曾祖母  
齊衰五月

祖母  
齊衰不杖期

母  
斬衰三年

身

媳  
長不杖期  
大功  
長小功  
衆總麻

孫媳  
長小功  
衆總麻

曾孫媳  
無服

元孫媳  
無服

曾祖姑  
在室總麻  
出嫁無服

祖姑  
在室大功  
出嫁總麻

姑  
在室期年  
出嫁大功

姊妹  
在室期年  
出嫁大功

姪女  
在室期年  
出嫁大功

姪孫女  
在室小功  
出嫁總麻

曾姪孫女  
在室總麻  
出嫁無服

從祖姑  
在室總麻  
出嫁無服

從姑  
在室小功  
出嫁總麻

從姊妹  
在室大功  
出嫁小功

從姪女  
在室小功  
出嫁總麻

從姪孫女  
在室總麻  
出嫁無服

凡同族在無服者皆為袒免親  
遇喪葬素服白布纏頭

凡姑姊妹女及曾元在室服並與男子同出嫁無夫與子者為其兄弟姊妹及姪皆不杖期

再從姑  
在室總麻  
出嫁無服

再從姊妹  
在室小功  
出嫁總麻

再從姪女  
在室總麻  
出嫁無服

三從姊妹  
在室總麻  
出嫁無服

凡女適人者為其私親皆降一等為高曾祖父母不降為兄弟之為父後者不降為弟姪之妻不降

○附喪禮家範四條

一斂毋過三日○禮孝子不忍死其親三日而斂俟其復也三日不生亦不生矣衣棺之具可以備矣親戚遠者可以至矣故聖人爲之制也溫公曰禮云三日貧而喪具未備雖過三日無傷俗有以陰陽拘忌擇日而斂或當盛暑汁流虫出豈不悖哉一弔毋盛飾○世俗女子往吊頭戴金銀首飾間以珠翠身穿素緞以誇富庶雖不足之家亦勉強隨伴貧而無可取具者輒自媿而寧廢禮安所謂申禮制以正家法哉今不論貧富一例頭披孝帶身穿白布麻苧隨服制所宜違者罰及夫主庶往弔之禮必不可廢者不緣服飾而中止矣

一服制各須自盡○凡人子居本生父母喪與嫡孫爲祖父母承重及承繼爲人後者必須出宿喪次且暮悲號不茹葷酒不

得言笑自如三年之內不許自隨薄俗看戲及與花紅大宴或  
有不得已事至於戚友之家偶遇大宴亦須固辭迴避必不可  
避亦當令撤去前面花菓不得擲骰猜謎投壺走棋一切繁華  
之事至於期喪白綢黑邊父母不在者純白可也內衣亦須素  
淨毋穿顏色紬絹縱有大賀如高曾祖父壽日卑不敵尊易服  
止於穿碧不許輒服紬緞舍此凡有一日之制卽當盡一日之  
誠敢有故意不服與無故易服宗祠鳴鼓會衆攻之亦以服制  
爲輕重願罰者自三錢以至三兩違者呈治到官以消薄惡蓋  
服與不服於死者何傷但人家元氣實在於此况子孫效尤天  
地鬼神終必殛之凡我族人各須自盡  
一居喪不作佛事。文公小學曰世俗信浮屠誑誘凡有喪事  
無不齋佛飯僧云爲死者滅罪資福使生天堂受諸快樂不爲



者必入地獄剉燒舂磨受諸苦楚殊不知死者形既朽滅神亦飄散雖有剉燒舂磨且無所施又况佛法未入中國之前人固有死而復生者何故却無一人誤入地獄見所謂十王者耶此其無有而不足信也明矣

葬禮叙○古曰葬者藏也又曰卜其宅兆而安厝之又曰入土爲安故人子必葬其親以爲安也世俗擇地者惟圖子孫之富貴而更泥兄弟宮位至有祖父三四代不得入土甚至棺朽水火不測者此豈祖父之所望於子孫者哉且古人之所謂卜兆者恐爲水蟻所侵恐與邱隴無別故必驗其土色之堅潤草木之茂盛他日不爲城郭不爲道路不爲溝池不爲勢豪所奪不爲耕犁所及謂祖父子孫一氣相承祖父安則子孫安初未嘗圖富貴泥宮位也且吉地非積德之家人雖與之天必秘之可

不知所重哉。余昔以父母未厝，此心歉然。嘗以未得了人子事，幸而得地，人又有以不利於余爲言者。余曰：父母苟安矣，事在我者不必深慮也。竟葬之，不爲其惑。并述以告我族人。

葬。○古者喪不過三年，示民有終也。臨事須必誠，必信，人子事親舍此更無着力處。先期擇日之可葬者，至期祀后土。○此卽斬草時也。祝曰：今爲某親營建宅兆，山川之美，惟神是司。牲醴告虔，興工起土，神其保佑，無俾後艱。尚饗穿壙。○卽開金井，毋令太寬，泄真氣而費灰石。

祖奠。○將啟靈先一夕，具祭。祝曰：永遷之禮，靈神不畱。今奉柩車式，遵祖道，尚饗。

遣奠。○祝曰：痛惟尊靈，奄棄追養，弗及。謹涓某日之吉，奉葬某山之陽。靈輜旣駕，往卽幽宅。載陳遣奠，永訣終天。神其不昧，勿

震勿驚尙饗○柩行主人以下哭泣隨之

及墓○此時賓客非至親皆當力行辭謝先歸庶得顓心治葬  
治墾○磚石隨俗所尚若論天長地久總不如三和土之爲善  
也

三和土法○一分石灰一分黃土一分鷄卵石先用藤梨剉碎  
舂過浸汁其汁如膠拌前三物務令燥濕得宜歲久相粘結爲  
全石矣無藤梨者以糯米煎膠代之

及窆○金井旣成底用炭屑灰石築平候吉時下棺加木槨實  
以三和土貧卽貼棺不妨務在密杵層七築實近土去處少用  
炭屑以阻木根旁厚七八寸蓋厚一二尺築畢以酒淋之俾隙  
處充溢庶虫蛇鼠螿無釁可投盜賊所不能發仇惡所不能壞  
人子之心豈不快哉

題主○塋之東南隅西向設桌筆硯臥主於其上孝子東向乃拜題主者○尊者不答平輩答拜○題主盥手先題陷中次題外面今皆先寫臨時加點亦可題畢乃奠祝曰形歸窀穸神返室堂神主旣成伏惟尊靈舍舊從新是憑是依尙饗○祭畢拜謝題主者徹靈几主人奉主先歸留子弟監視成墳

成墳○拜壇圍墻皆當乘時修治或有風氣未完法應修闢亦宜隨手加工若少停止卽當再擇吉日不可輕舉若夫鋪甃磚石樹表立門隨力量爲之正謂君子不以天下儉其親

埋誌石○以石二片凹凸相合束之以鐵外刻某處某公之墓內刻各氏及生平行實埋墓前三四尺間此爲異時陵谷考鏡庶幾人見而掩之矣○近世墓文必求名筆以其文之膾炙人口者必傳七則不至於廢而人已能先量之矣故刊之譜者亦

此意也

祀后土。○告成功也。祝曰：伏爲某親卜葬茲山宅兆，告成用申祀謝神，其祐之克昌厥後，尚饗。

廬墓。○孝子順孫，固有三年或期者，此不可責之常人矣。然亦當伴守數旬，或匝月而歸，庶不見其愀然無情也。

神主抵家設虞祭。○祝曰：痛惟尊靈奄忽，捐棄今以某日之吉安厝某地，神主復家用，陳虞祭尚饗。○魄歸於土，魂氣無所不之，故古禮傍惶三祭以安之，世俗已廢，姑存其一可也。旣虞卒哭，乃祔。

祔。○卽奉神主入祠也。具饌新舊，主各獻一爵，祝曰：某年某月某日，敢昭告于高曾祖考妣之前，曰：某罪孽深重，禍延先考妣，未卽殞滅，勉襄大事，謹以是日恭奉新主，升附祖廟，並歆祭祀。

敬陳清酌用申祭告尚饗

祧○新主既入祠堂舊主次第改題改考爲祖匕爲曾祖曾祖  
爲高祖而昔高祖之主在所當祧具祭祝曰孝孫某敢昭告于  
五世祖某之前曰古人制禮祀止四代心雖無窮分則有限神  
主當祧不勝愴感謹以清酌用申祭告尚饗

祭畢埋神主於墓側

附造神主式○伊川先生云作主用栗取法於時日月辰跌方  
四寸象歲之四時高尺有二寸象十二月身博三十分象月之  
日身跌皆厚十二分象日之辰刻上五分爲圓首寸之下勒前  
爲額而判之前四分後八分陷中以書故某官某公諱某字某  
第幾神主及生卒年月日時作三行書身跌通高一尺二寸竅  
其旁以通中如身粉塗其前書曰 顯考某字幾行府君妣某

安人某氏神主旁題曰孝子某奉祀加贈易世則筆滌而更之  
外改中不改○題主古禮惟用善書者今敦請  
府邑主及士  
大夫主之者敬其事也

附墓祭祝文○維年月日孝孫某敢昭告于某祖考之墓前曰  
氣序流易雨露旣濡瞻掃封塋不勝感慨謹以豆觴恭修歲事  
尚饗

祀后土○敢昭告于后土氏之神曰某恭修歲事於某親某翁  
之墓時維保佑實賴神庥敢以酒饌敬伸奠獻尚饗

祭禮叙○夫祭無別義一主於誠敬而已子曰祭如在吾不與  
祭如不祭朱子曰祭祀之禮一誠敬之外別無着力處何謂誠  
敬如未祭前三日齋戒當祭之日嚴恪執事凡諸執事及與祭  
者一體敬畏洋洋如在寒不頓足暑不揮扇勿私相笑語品物

器具俱有夙戒必豐必潔之類是也外則丈夫主之內則妻媳  
主之必須內外一心毋褻慢怒詈庶無愧於子孫之禮而祖父  
亦必來享矣。否則應故事徒哺啜而已。何有於祭不祭也哉。  
况我今日先之他日子孫承式效行。可不知所謹勉也耶。

祭○有牲曰祭無牲曰薦

先期齋戒立糾儀○衆推風力知禮者二人管察趨蹌不肅談  
笑戲謔及祭器祭品不豐不潔與無事不行赴祭者一體直書  
其事以告宗長祭畢會衆責罰之以示警戒

省視牲饌祭器○先立一簿臨事逐一點驗

習儀○令子弟讀書雅飭者四人演習當行禮節慣熟不致臨  
事張皇失措也

昧爽夙興陳列○糾儀再加點視戒序執事者各執其事主人



以下各就位。○叅神鞠躬四拜。只降神詣盥洗所盥手。進巾詣酒尊所。執事者酌酒詣香案前跪三上香獻爵。酌酒俯伏興平身復位。

行初獻禮。○詣酒尊所酌酒進饌子弟分獻神主前跪獻酒。俯伏興平身復位。○亞獻終獻。○俱如前儀。

詣讀祝位。○跪讀祝文。

祝文式。○維年月某朔越某日嗣孫某等敢昭告于某某祖考妣之前曰。歲序流易。節屆某時。追感歲時。不勝永慕。敬潔牲醴。祇薦時事。以某府君某安人附食尚饗。○送神鞠躬四拜。焚祝文禮畢。

生辰祝文。○祝曰。痛惟某考。茲屆誕辰。追感存亡。不勝永慕。尚

饗

忌日祝文○痛惟某考杳隔幽冥光陰易邁忌日復臨昊天罔極哀慕曷勝尙饗

四時祭儀○品物各隨時俗所謂喪祭從先祖是也惟誠敬豐潔在乎人之自盡而已矣

祭主○禮屬宗子其法已廢况有賢愚弗類合推分尊而年高有德夫婦齊眉子孫率教禮文習熟者爲之或於值祭房中推舉惟庶子不許主祭

祭服○用深衣幅巾畢藏之祖廟

附祭議○始祖丙三公初以大宗未建前後二宅各自承祀垂遠而寢廢焉今雖肇祠奈緣祀產蕩廢散胙不敷而祀典尚然未新合行酌處每宅二十四人爲規前後共四十八人輪年支祭週而復始姑俟公積充裕然後胙及通族可也

旌義孟初公墓祭○遞用猪羊五菓五牲五饌祔以諸子侑以鼓樂散胙必盡墓下子孫仍給票以昭與祭無票而冒支者罰以警衆

附朱子戒子塾書

吾不孝爲先公棄捐不及供養事先妣四十年然愚無知識所以承顏順色甚有乖戾至今思之嘗以爲終天之痛無以自贖惟歲時享祀致其謹潔此猶有可着力處汝輩及新婦切宜戒謹凡祭肉臠割之餘及皮毛之屬皆當存之未祭之先勿令人先食及爲猫犬虫鼠所污殘穢褻慢以重吾不孝○愚於歲時小祭俱用全體不使臠割者緣此故也

男汝宗魯百拜膳梓

家禮采俗通經儀節終

家法宗祠會約

時澄甫江

嗣孫

編梓

時益甫添

赤城

梁嘉猷

刪定

外史

華溪

應祥

校正

夫宗祠所以萃渙禮惟春秋二祭一會時方有祭奠之儀無暇  
修明家法既徹又領胙惠酒後不言正事合議於每月朔旦叅  
謁神主會講家法歲十有二會少長咸集昭穆有倫尊卑有別  
其為敬愛修省之助者豈曰小補之哉所有規約具陳於後  
每月朔日黎明值月戶長鳴鼓三通整肅人心辰刻俱集廟門

包上... 卷之...  
二步升益三同校  
候宗房長至以次第魚貫而入序立謁拜神主上香再拜次謁  
土地祠上香再拜退至前堂一以昭穆分坐幼者亦以昭穆序  
立中設講案司鼓者擊鼓七聲贊云講聽家法司講者進面神  
主肅揖高聲講曰

凡人之生稟天地之氣賴祖宗之靈守朝廷之法盡爲人之道  
爲子者必順其親爲妻者必敬其夫爲兄者必愛其弟爲弟者  
必恭其兄爲父者當盡義方之訓爲母者勿爲禽犢之愛毋狗  
私以妨大義毋怠惰以曠職業毋爲盜竊以干刑憲毋耽酒色  
以亂性情勿聽婦言以傷和氣勿爲小忿而廢懿親有一於此  
旣隕爾德復隳爾後茲皆祖訓實係廢興言之再三各宜深省  
講者小退司鼓者再擊三聲再易一人詣案揖同前儀  
講曰聽也聽

人家之興皆由積善何謂積善居家孝弟恤寡憐孤處事仁恕  
凡所以濟人利物者皆是勿以善小而弗爲此積善之義也易  
曰積善之家必有余慶又曰降之百祥愛子孫者以善遺之子  
孫盛而家道興矣人家之廢皆由積惡何謂積惡不孝不弟欺  
孤弱寡恃已之勢以自強尅人之財以自富凡所以損人利己  
者皆是勿以惡小而爲之此積惡之說也易曰積不善之家必  
有余殃又曰降之百殃不愛子孫者以惡遺之子孫不肖而家  
道廢矣天道昭昭報不在身則在其子孫慎之哉慎之哉再揖  
而退

值月者進茶而後議事凡有生子命名者查其祖諱無犯子女  
婚配者量其門閥相當以及死者葬者各與登之副譜如有干  
犯家法與凡爭忿等事犯者面神主跪聽待宗長面衆房長處

包上... 卷之六  
分責罰輸服無詞願責者當時受杖曰祖宗責之也願贖者貧者每杖三分富者一錢非有輕重蓋以抑富者之易犯亦曰祖宗罰之也然後拜謝神主併拜謝衆家長而退如不遵庭訓者衆共攻之甚者鳴之官以治之又甚者削其譜必至輸服方止弗縱容以致阻撓家法也

一會日無少長俱要齊集或有事故遠出當先告知本房長庶便申述三次不赴者罰銀一錢或犯宗法因而規避者倍責而更罰之如月內有做得好事者共揚之家長及同輩以下羣拜獎之以爲觀感之助無事則擊鼓十二聲面神主肅揖而退

一講訓時敢有喧嘩錯亂謔談他事者罰跪願贖者罰銀三分庶知所敬畏

一罰贖卽令寫田業爲當或本房七長保認俱限次會交納如無

卽時受責不許再限及同惡保延違者卽係阻撓家法鳴官正罪以警將來

一贖銀兌入一函對衆封鎖交付富而有德者掌之如有好主摺用者照常出息仍寫上租田地作當至月足不還入祠充祭如掌者私自啟封罰銀二兩再易主藏決不姑縱

一克祭餘租存貯公所每年青黃不接之時照常減息借與本宗貧難無依之甚者量行賑恤毋致流離失所此亦祖宗遺惠所及富者不許侵利近有一詩可以爲戒附載於後

詩曰 勸君切莫糴倉陳 和糴多因濟極貧

若是富家侵此利 兒孫代乚做饑民

一支出公貯必須月朔會議某處合當修理該銀若干有能杖義省費者任之如有任事不欺衆謝獎之功成之日標名爲順孫



之列必富而有德者司其出納不許司貯者任支用之事或有  
附祠產業當買者亦須咨稟會議發價交易非關公舉不許擅  
支違者計數倍罰以警之

一祭田先儘住祠庄佃租種次及異姓如本宗佃種必須本房財  
行房長抱租遇凶歲咨稟當事家長到田分收私割回家者罰  
以全租合宗房長坐取不得延短比私租尤嚴庶免拖負

一祠堂田屋工夫必公祠有事則委之如本年公祠無興作則蠲  
之各房不得侵喚致生物議

一守祠道人每日焚香晨昏鐘鼓每年給穀十二秤各房許願修  
齋不得更用別處僧道俾有所利可爲衣食餘資如賓客到祠  
止具清茶迎送大門之外子姓敢有遊手賭博挾妓飲酒戲狎  
褻瀆神靈及需索酒食者以犯宗法論道人容隱不舉併責遣

之

一宗祠不許寄歇無藉遊食之徒子姓不許招引外人讀書此輩多不謹肅褻瀆神靈既非如在之禮更慮火盜不測之虞如族中諸英會文者聽從其便不在禁例

一宗祠錢糧原因分序不均議入寶山戶內亦緣先人捨建所在每年當事者以公租扣應庶免延悞不均之苦

一宗祠山場薪木除供祭外餘則貨價公用並不分給竊取者罰祭明禁倍於已山之約看守不嚴飭者赴祠受責甚者呈遣

一祠下子孫立繼者欽遵

律令取其昭穆相當先儘同父周親次及同祖功總次及同姓之親如應繼子與立繼之人素不相和美聽立其所親愛者亦是會典之法○其禮先期卜日告廟祝曰某房某行之下某人

年逾幾旬未有嗣子深為宗祀憂敬遵律例立某人之子某為繼實係應繼愛繼昭穆攸宜一氣相承祀事可托惟神歆之永錫祚胤尙饗祭畢家長合族之人各相揖拜禮畢彼此付收註譜更立應繼愛繼合同文約二紙各執一紙乃令應立之子拜所立父母次拜所生父母及兄弟諸同親而退○如女子主繼不許立愛以啟爭端長子不許出繼如長子絕次子之長子繼之以祖為重也一子不得出繼庶子不得繼宗無他子姑繼之一凡家殷而周親多者各繼一人以消爭端以廣後嗣或其人平生鄙吝無遠見不願立繼或死後周親不與立繼者或僅有餘貲不能立繼者量取其財產之半入祠以廣公儲亦以遺永思云

一立繼而有爭者每七至於覆家絕祀而後已吾宗凡有立繼者

或應繼愛繼抱養皆當隨其父之主見且立繼時衆皆樂從歿後方起爭端此故意欲破其家絕其後吾族如有爭繼者宗長祠長宜共叱之如其不聽必致結訟當以貪謀滅祀共攻之不可容情姑縱以致絕人後嗣也

一各房貧富不同不能盡立小宗神主奉祀於家至陰壽滿百歲以禮迎送入祠於本房祫室仍納銀些須以爲修理之費上戶三錢中戶二錢下戶一錢如生有功德羣族之人迎之庶後人知所觀感而興起云

一立宗法簿二本一本記行事善惡之實以爲合族公案如爲善不終爲惡能改衆與除之一本記賞罰銀穀布帛之數及已未交收與夫應用出納之實以防侵利背非之誚

一宗祠義舉爲房者照房均派爲丁者照丁各出爲米者照米承

色上... 二鴻圖德周同核  
認富者向先貧者和之敢有逆例黨衆者倍責罰之

一宗祠議事宗長不得自執已見必咨於房長各房長不得自相  
牴牾必請命於宗長凡一處分一秉至公務求情理兩當輸服  
無詞決不以勢力相加如有執迷不學等輩無知妄行橫議皆  
非宗族賢明者共諄讓之甚者以阻撓家法呈治之

以上宗約禮儀之文賞罰之目立之至恕令人易從行之至嚴  
令人難犯謹申刻譜首仍昭揭祠壁以垂不朽

### 附祀土地祠禮

家有五祀而中霤爲特尊今立土地祠一間於廟之西每於大  
祭日具三牲肅祭祝曰維年月日宗長某暨房長某等敢以牲  
醴之儀致祭於本祠中霤氏之神曰明有禮樂幽有鬼神惟神  
聰明正直爲我一宗之主如孝弟善良謹守宗法神得而廕庇

之如恃財挾勢不孝不弟非爲造孽侵蝕公利阻撓宗法神得而顯戮之殃其身斬其後昆以助我宗法之行以篤我祖宗之慶我之子孫世修神祀誰敢不虔鑒之尙饗

家法條約凡六十五條

一敦月會以修家政

每月朔旦會謁宗祠序昭穆以講家法有事就此處分祖宗在上名義在下私曲不行是非自定責在祖宗前罰爲宗祠用旣免訟庭之擾更不失爲良善之民矣各宜殫心毋簧鼓以梗化也

一端身教以行家法

司馬溫公曰有公家之政有私家之政士君子修得一家之政孔子曰惟孝友于兄弟施於有政是亦爲政小學曰凡諸卑幼

事無大小必咨稟於家長是可見修身以成一家之政者存乎  
家長而已然所謂家長者豈徒以分尊年高云乎哉必須素行  
足以服人臨事之際勿察匕而明勿昧匕而昏藏垢納污隱惡  
揚善專務以量容人一言不可妄發一行不可妄爲一毫不可  
妄取上祈不得罪於祖宗下畱好樣與子孫如是庶無愧於家  
長之實各房仍立剛方才斷者二人爲房長相與維持贊助視  
一家如一身弗爲親暱所搖勿爲奸豪所挾如是則家法行而  
家政成矣爲卑幼者又宜以家長之心爲心所議容有未妥和  
氣柔聲具是非利害而白之苟無大害亦當曲從若以家長爲  
非直行妄議煽搖公是衆人共得而誚讓之甚者嚴絕之不許  
與祭與燕以懲其得罪於家法也

先孝順以全天性

父母生我懷擔日月乳哺三年推乾就濕掬育拊摩延師擇配  
恩同天地便是臥冰泣竹埋兒賣身飼蚊守柰扇枕溫被嘗糞  
滌牖之類都是人子常事且如慈烏返哺羔羊跪乳蠹爾異類  
尚有一念之靈可以人而不如物乎凡子事父母孫侍祖父母  
貧富不同豈盡能備輕煖致肥甘以奉口體哉大要只以愉色  
婉容爲主苟得歡心雖啜粟飲水不以爲薄苟不得歡心雖日  
用三牲亦不足爲孝或有性情驕悖失教於初私妻子不顧奉  
養德色褻鋤諛語箕帚稍涉抗違卽當責戒以杜其漸弗事姑  
息以重其過或有財產不均昏聘失時後母嬖妾離間致生怨  
望者却未思此身摩頂放踵皆是父母所有可生可殺可放可  
鬻尚安敢與父母較銖兩哉事聞家長倍責戒之會諸周親質  
其情狀果係不已姑與調處以全天性之恩



一敦友愛以厚天倫

兄弟分形同氣共食傳衣孩提時無不知愛及至強壯各妻其妻各子其子計較錙銖傷殘和氣夫兄弟不睦則子姪不愛羣從皆疏僮僕爲仇一旦有急機自內發而他人執其權矣須念田地易求兄弟難得便是亡置田屋以與兄弟亦不爲過以是存心自然友愛可久至有不學等輩假讒賊爲腹心視手足如胡粵割戶分門構兵聚訟有誣兄以盜者破弟之姻者聽妻之讒縱子之犯上者侮其孤幼而奪之產坐視其患難而不之恤者皆不可使聞於鄰里者也莫曰親兄弟卽至堂兄弟亦當念同本共源聯疎爲親且余六兄弟而堂弟湖止一人視如同胞至老死無間母氏嘗曰待堂弟何厚也答曰兒輩更多姑畱一好樣子母氏深是其言夫同堂不和尙爲可恥况於至親者乎

後有此輩定行痛責以厚彝倫

一懷忠蓋以事君上

昔孝肅公遺訓曰後世子孫仕宦有犯贓濫者不得放歸本里  
亡歿之後不得葬於大塋之中不從吾志非吾子孫仰珙刊石  
豎於堂屋東壁以詔後世又自述詩曰清心爲治本直道是身  
謀秀幹終成棟精鋼不作鈎倉充鼠雀喜草盡兔狐愁史册有  
遺訓無貽來者羞率土之濱莫非王臣豈惟爲官者當自效至  
於爲民者輸租貢賦勿後公家之期守分安貧勿擾皇朝之法  
教子孫讀書學禮以應聖明之求茲皆臣子之分如之何其廢  
之

一戒宴昵以和夫婦

五倫之中最相憐愛者無如夫婦婦人之敢凌虐其夫者多緣

初至宴昵太過恣其褻狎長其侮嫚漸至於不可制禮當相敬如賓自然終身和美或有女幼失教克狠成性不孝不睦不嫻不恤不顧門面爲丈夫者須要自家主張諭之以理通之以情委曲以全大體久之彼將轉悟此正所謂刑于之化或有男幼不學溺利好非身爲不善其待妻子亦少和美爲妻者惟執淑德日夜勸諭以敬以順久之亦自然返此正所謂內助之賢或妻之父母兄弟及壻家貧薄欲竊取以濟其艱宜憐而稍假之若割貧以益富則又不可從矣其有得罪公姑離間骨肉不修帷薄不顧門面魚肉婢妾驕縱子嗣多方解諭而不轉頭者真惡婦也書名懲惡以愧之俟其悔改而除之甚者放還本宗以正閨範如有丈夫無識責備裝奩溺愛婢妾嫖賭廢家爲非造孽望妻箴規因而反目者重行戒飭以振夫綱

一先擇交以全友誼

朋友有切磋之益有通財之義凡家人父子之間所不能道達者皆得維持而調和之故禮服緦麻爲其有同道之恩而居五倫之一也古有託妻寄子死生不相負者分金讓爵富貴不相棄者今人惟以酒食相洽勢利相倚諛言相下一言不合惡聲相反一求不獲怒氣相加以至終身相忤安所謂道義之交哉昔人以交遊觀子弟志趣決其成立萬不爽一故爲父兄當先謹其出入往來勉令親賢向上庶幾聞謹厚之言見謹厚之事而身不陷於不義正所謂蓬生麻中不扶自直與善人居如入芝蘭之室久而不聞其香與之俱化矣如與無恥不義之徒共業共事共飲共言所聞皆刻薄之語所行皆刻薄之事終亦爲刻薄之子正所謂有扁斯石履之卑矣與不善之人居如坐鮑

魚之肆久而不聞其臭亦與之俱化矣後有交遊弗類者父兄叱諭痛絕之勿悛者重爲刑戒必至改悟乃止至於祖父交遊爲子弟者隅坐請教雖祖父沒優禮不衰久而敬之古人以爲善交

一勤侍疾以遺世範

祖父母父母有疾爲子孫者當時刻不離左右下氣怡聲委曲承順請醫服藥毋惜厚費務畱好樣以遺子孫縱或不治人子之心已盡至有自作見識云爲必不可治囑託宗戚筭賬分財兄弟姊妹宜闔一堂較計忿爭益增病者之惱因而垂絕者有之矣後世習以爲例皆是自爲梟獍始也慎各思之勿俟懲罰

一禁淹沒以全天恩

俗苦生女難嫁往七淹溺明犯嚴禁陰爲滅德近有過慮兒多

難於成立往往亦行淹沒骨肉忍殘曾虎狼之不若也不思天地好生一人自有一人衣祿如鄉先達某者其母連育十二子而後生公舅憐其母撫育劬苦溺之而以石灰納其口中祖夢一龍困於桑下求救甚急起而收之後爲尚書前十二子皆不肖又有某者連生十男止育其三逮老三子俱亡卒以無嗣悔之何及凡我族人慎念天恩勿爲殘賊犯者重責重罰書名懲惡以警後人

一嚴稱呼以正名分

夫舅姑之於子婦姆嬸之於兒姪伯叔之於嫂氏有必不可以他分易稱者如姑舅兩姨之親服有緦麻或女配吾家止可稱表姊妹表姑並不得以表姑夫表姊妹夫稱所婚之人此不以親而忘宗也或男娶吾族止可稱表伯叔表兄弟亦不得以姑

夫姊妹夫稱之此不以宗而廢親也至於舅氏姨氏莫不皆然正所謂宜乎土俗通乎人情者也近見不論親疎遠近不較長幼名分概以私親稱叫以至出入無忌笑談無節假疎爲親假親致狎其間有難以盡言者此正所謂名不正則言不順也此後悉宜舍輕就重稱其所當稱禁其所當禁有不遵而故犯者必痛懲之偶聞四十九輔呼服叔爲八九哥殊爲可駭卽此可類推矣衆其爲我禁之以正未正

一崇禮讓以明秩敘

族中貧富貴賤不齊雖種田住屋而尊長之分猶存至有頑野不學等輩自矜富貴尠蔑同宗媠嫚戲侮相見不揖羣坐不立習慣不以爲非識者竊議背哂薄惡成風莫此爲甚已後各宜痛改以全大雅至於貧賤者亦宜自達時宜毋恃族誼因而負

賴錢穀延短租稅自取其薄庶幾各分可正而秩敘可惇矣有  
不如約者衆得而面叱之抗違者公祠議罰以培元氣

一務厚別以正閨門

萬化託始閨門君子修身以齊家推之國與天下裕如矣凡閨  
門之所以不正者大都起于淫泆族類爲婚及男子無紀綱者  
接納娼妓入室狎戲無別私親往來出入無忌婢妾衆盛難於  
防範男女不修職業好閑好遊而然也昔富鄭公戒女僕不許  
互相往來胡安定公戒子媳非節朔不許歸寧深得此意冀我  
族人各宜厚別女子自十歲以上不得輕自遊走男子自十三  
以上不得徑入房闥僕妾有不循規矩者卽時遣逐凡一應接  
見以時宴會以禮授受不親內言不出外事不預閨門旣正四  
維自張世祚其永昌矣



禮賓客以尚往來

賓客迎送晉接務要整齊至誠款敘凡爲子弟者恭候尊長行禮畢各自肅立齊列揖拜纔有參差先後便勞客而不成禮矣至於茶果酒席隨家可備床帳被褥務令合宜更不當強之以酒致失儀度客前不叱狗不叱僮僕不以酒肉與伏侍丐食之徒不可與倡優褻狎不可與下人講論家事夏無打扇冬無更衣有期功之喪雖遇尊客不用鼓樂歌唱客有豪俠不羈之客在主人猶當以禮自制或有嘉客曾領先施到我鄉都聞知卽當具巾服拜探迎請以見忠厚敢有規避者衆得以無恥叱之一隆師傅以教子弟

教子須先擇師當取其言貌端厚文藝優博者如在本地又當擇其家聲清白使子弟可世執通家之禮者庶器識文藝兩有

所益至於蒙養之師乃子弟舉止志趣所由始尤不可苟語云  
經師易求人師難遇是也或曲於人情所薦或利爲師者易處  
易狎憑子弟之喜怒以爲師之去留知者背笑不言不知者以  
爲明師難遇至今踈懶不檢不威不重坐食高堂徒增相鼠之  
譏不知伐檀之恥子弟因之曠蕩歲月因之虛度氣質卒難變  
化學問終於無成是誰之過歟

一宏教思以養中才

祖父積置財產不過爲子孫計子孫未必能守孰若以子孫之  
財教子孫讀書大則取科目効用清時小則審機宜保守家業  
終身受用無盡豈不爲遠大長久之計哉古云遺金滿籬不如  
教子一經是也奈何好上遠識者少至有計年甲以派膳脩者  
挾倡義而短成糾者却不思初學之師尤爲勞勩倡議之功父

兄當分瑣七營七如登壘斷又有小家爲媼聞見淺狹詆詩書  
爲末技致令子弟學業半塗雖有美質無由長進賓客交接言  
貌粗陋門戶家常被人愚弄人家漸以村野終必致於夷落良  
爲可悼咨我宗族宏開家塾大振義方貧而有志者富者助之  
敏而廢學者衆汲引之此正中養不中才養不才之意人材輩  
出未必不由之矣其有家富子弟未成人而廢學者與夫負糾  
瀆慢斯文者衆得以無恥罰之其有子弟讀書猶然不識尊長  
率意徑情與夫下流驚外者真廢物也衆叱諭之不悛者重行  
責戒以先器識

長一却婦言以全手足

夫婦二姓相聚以人合而非天屬其大家有家法者固能相夫  
以正如殺狗分役之行古今鮮儷至有驕悍長舌者每每伺察

舅姑伯叔妯娌言動偏信小兒婢妾傳遞計較錙銖轉相責望  
始行浸潤終而激怒却不思惜幼憐貧是父母天地之心藏怒  
宿怨非仁人親愛之道丈夫爲其所役一室之內乖變生矣於  
是有隔壁連墻生死不相往來者無子不肯立姪爲繼有子不  
肯以繼伯叔者不顧貧窘生事塋祭賓客門戶事事必欲如一  
甚有棄親不養暴棺不葬委門面而不恤者其事難以枚舉元  
氣旣漓敗亡相繼此正所謂牝雞司晨惟家之索是也惟丈夫  
剛腸遠識者知婦人之見不廣不遠不平不公輕於割恩易於  
修怨其言不可深信其性不可諫誨拒斥之以正色開諭之以  
至誠同胞之中容有性情各別務委曲以體悉之急難死喪竭  
力以扶濟之勿以謀於妻子庶幾常不失懽手足之情可以無  
傷矣敢有偏聽婦言以至兄弟爲仇者重行戒飭以睦天倫

詩矣好音動難發言以至其

大以共勉之必以藉以妻子

正端同賦之中容育掛辭各

勢學其言不可聽計其掛不

謂期豈難香映融人之具不

兼潤節頰古琳琳出五世龍

其音棄賺不養暴計不藝委

肯以難計味香不願會錄中

長亦明是難計不亦不琳谷

寄然其口人難其之戲大夫

飲亦難其口人難其之戲大

飲亦難其口人難其之戲大



一廣慈惠以恤孤寡

寡婦孤兒極爲艱苦雖多方扶植尙恐不能抵於成立然分毫虧抑豈其所能堪乎昔高祖旌義公以十萬之產均分孤姪一如已子至今誦其遺德後人雖不能繼芳躅亦當效式萬一至有欺其無知搨其無告或奪其產或加其稅或侵其界或負其租或減其分或攘其有或造其謗百計魚肉恨不能殲而得之者此豈墓下子孫所宜有耶每見此輩未嘗不切齒痛恨天道豈終泯哉已後任撫孤之責者須當倍加存恤經理其門戶扶持其疾病處給其饑寒教之讀書時其婚嫁敢有前項不恤之徒定行責戒以振頽風爲寡孤者尤宜厚自植立毋恃憐憫因而負賴錢糧推調公舉自招謗讟或不守閨範有玷家法者宗祠

會議遣嫁勿遲

一明嫡庶以昌嗣續

庶子宮封先嫡母制服以三年所以報其逮下之恩者不淺矣今之爲正室者往亡不肯收育雖以母分其愛亦慮子分其財耳有等不肖丈夫旣寵幸其婢妾復坐視其凌虐非刑荼毒併子母而俱斃焉豈所謂齊家之法哉已後婢妾生子一體收育長大之日量給田屋二分之一不得致與嫡子互相告爭違者以不孝論垂之家法永爲定例婦女能逮下者新媳廟見之日女子成笄之時首推拜之以爲樛木螽斯之化如妬悍者卽不當置妾使其身操庖爨井白勞之亦以媿之如是而嫡庶不亂嗣續必繁矣其有四十無子不容娶妾立繼者以得罪家法論放還本宗

無所歸者生則書名懲惡死則不許入祠

一協衆心以候官長

府縣官長皆吾之父母也或有事按我鄉土或他往經過凡我宗族無少長各宜整巾服迎候道左夙辦禮物遇午可飯遇晚可宿縱或扳留不住吾家體面已全子民之心已盡矣其費以見役閑年量擬輕重出辦此爲衆輕易舉敢有恃頑無恥及以外都承役爲辭安坐不顧者家長率衆罰之不服者以抗違家法論庶祖宗尙義之風不壞於汙私淺見之輩矣

其來一畱情分以聯故舊

三黨之親人七所知稍遠則忘之矣至於祖父交遊出服親表旅邸居停江湖共事皆謂之故舊也或因晚無宿處



遇午無店或窮途無奈輕身徑進雖出意外爲主人者猶當慇懃以禮接納彼領我之誠必知感我念我如曰不喜其來不得已勉強應承詞色未免真情發露其人必然薄我鄙我雖待之不以爲恩語云寧吃笑眉湯不吃皺眉羊是也至有齷齪小輩縮頭不出或委罪妻子甘心爲輕薄子其人必然無人敬重諺云在家不納客出門無主人此言殊爲可想事聞宗族共得以無恥叱罰之

一勤撫恤以全族誼

宗族富貴貧賤彼此懸隔雖服制親疎不同然以丙三翁視之卽一人也凡有饑寒疾苦是非爭訟水火盜賊災禍死喪情出於不得已者皆當憫念先儘本房量力周恤不及以告家長勸令合族之富而好義者助之如關綱常

大體等事俱出公儲毋得偏累一人橫逆外侮或其自取  
未有事先多方戒諭既當是事又宜委曲以全祖宗體面  
事過之後再申庭訓富者舍己以從人貧者忘私而向義  
庶幾雍睦之道千百年如一日矣

一寬租利以惠庄佃

夫田地租利充國課資俯仰固當據額徵收但或有水旱  
不敷卽當面與均分毋執成額追索不已蓋小民粒匕出  
自辛苦若庄佃困窮種必不時糞必不多收必不完漸至  
逋逃而土田亦漸荒瘠孰若寬一分以畱有餘不盡之惠  
古語云貨悖而入者亦悖而出曾見幾家刻取敗落不在  
其身而在其子孫矣天道好還可勿畏哉第收晒須當及  
時燥淨乾員自食有益便糶與人亦爲陰德此余兄弟叔

姪素相戒勉者故述以告我宗族英達知自修者勉焉

一兼恩威以馭僕妾

孔子曰惟女子與小人爲難養也近之則不遜遠之則怨  
陶淵明曰此亦人子也可善遇之司馬溫公曰凡男僕忠  
信可任者重其祿食能幹家事者次之其顛務欺詐背公  
狗私屢爲盜竊弄權犯上者逐之凡女僕年滿謂主人身  
後及三旬以上不願留者縱之勤謹少過者資而嫁之其  
兩口二舌飾虛造讒離間骨肉者逐之性好盜竊放蕩不  
謹者逐之有離叛志者逐之格言昭七所當恪守至有刻  
薄殘酷之主用之盡其力處之盡其情身不免於饑寒刑  
每底於血肉剪髮割面烙體剝膚跣足蓬頭形同鬼魅觀  
家長爲閻羅指庖闔爲地獄大傷天地之和或招不虞之

變滅德喪行莫此爲甚已後各宜痛革又有主人羅軟無  
紀綱者專務姑息聽其讒間侵攘界至以爲功傳何人言  
以賣直航酒使性假勢徑情或袒裼而供酒饌或轉背而  
發違言或箕踞而見宗族其情狀尤爲可惡已後亦宜申  
飭或責或逐量輕重處之苟不能然事聞家長罰不在僕  
而在主矣如僕妾忠義有功者身後祭塋各宜從厚以風  
後人

一濟貧難以光祖德

吾家自丙三翁肇基十房之中惟我旌義公派下最爲  
繁盛者良爲賑濟之德在人耳已後子孫凡遇凶年稍有  
餘贏亦當推恩萬一以惠宗族庄佃鄉閭之貧難者至於  
難賣零分零錢尤宜委曲處之彼以銀少不敢較價我又

以其少而阻抑之小民敢怨而不敢言天地鬼神實鑒之  
矣慎各勉之以光祖德

一公分析以弭爭端

火合而炎水合而深兄弟間誠宜黽勉同心以成家業或  
子姓衆多難於聯屬嫌隙旣開不復懽洽斯時卽當議分  
請憑家長會集周親將田地山塘屋宇器物截長補短拙  
搭成闔各拈一紙仍穿魚入簿以示至公孔子曰不患寡  
而患不均是也至如田地間樹木各照所得掌管勿事懸  
畱以啓爭端吾邑有某者聽信唆帮以巧計爲闔其弟稟  
衆投鬪瓶中拾之其志不行遂欲重分兄弟轉相告爭竟  
致破家又有某者自負命好偏勝爲闔七爲兄弟所得憂  
憤狂疾而死二事誠爲可鑒旣分之後卽爲亡業敢有朦

臃混管或假手佃僕侵界者親長嚴爲戒諭主佃連坐以  
媿之不悛者與匿不以分者事發追入公祠充祀仍擬不  
公之罪以警其餘

一畱公田以勵儒業

每見子弟上進皆由父兄作養若有所激勸則益有所奮  
發父兄明達者除祭田之外隨分置立養士田地積聚租  
利以爲子弟有志向上者資助童生縣與選者量助卷資  
路費五錢與府選者倍之進學稱補科舉者又倍之或有  
質美家清志氣不凡者從師則量代其修儀同坐則量資  
其薪米委曲贊助以玉其成如遇大學科舉數多本年不  
敷則於次年補足如非科舉進學年分聽憑在學者均分  
以爲親師取友之助或當修理書院亦量於租內取給不

許率斂以致廢弛如遇發身登仕者義令增置如貢者十  
畝科者倍之甲者又倍之如出學者不得無恥濫觴優典  
其田並存公戶公收公給以免執迷久假之咎如是作興  
庶後進爭自奮勵而人材輩出矣族中積資富厚者都不  
識以此爲重大正事故特垂之家法以祈共相勉爲賢父  
兄云。○遞舉賢子弟二人司出納在學者毋專濫違者  
併其所應得而倍罰之

一重農業以植本根

遞見人家富盛不數十年悉爲灰燼者何也皆由子孫不  
務生理驕奢淫泆縱欲而忘返也凡我宗族子弟少年力  
教讀書至三旬而文藝不通者便當務農縱未精諳亦當  
習而熟之使知衣食所自出昔周家以農事開國子孫最

爲綿遠蓋舍讀書之外總不如農之爲善也

本朝異路發身者並起農民倡優隸卒之家不許入仕在漢  
初葉雖市井之子孫亦不得仕宦爲吏其輕重蓋可見矣  
如文藝精通遭逢不偶志氣衰沮者雖逾三旬尙當激勵  
勸助以竟其成不可概責之以農者也有等不肖子孫年  
逾二旬不讀不耕羣聚談笑博奕飲酒挾妓引娼販賣子  
女充當皂卒俱非大家所宜之事若不防束第恐不知所  
終每月朔會嚴爲警諭有蹈前非者責戒省悟不悛者呈  
治到官此正防微杜漸之事決不姑息

一修女工以供內職

高太后女訓曰不可恃者富貴也不可忘者勤儉也勤儉  
之心一移禍福之應響至古者世婦親蠶諸侯大夫妻親



蘋藻以奉祀事近來女子少年父母失教養成驕妬以致  
玷辱閨門貽羞祖父者有之矣凡吾家子女自七歲已上  
婢妾自炊爨之外卽令紡績浴蠶媳婦雖素富貴亦令一  
體習學女工庶勞苦而淫泆不生有業而妄念不作中饋  
是主幹蠱無能四維克張而人家可久矣如有妬悍好遊  
不習女工者罰其父夫以供會講之費

一寶邱隴以承餘慶

人家邱隴關係匪輕上則祖宗神靈所棲下則子孫安危  
所係立心但存陰德吉地自然輻輳俗弊愚盲等輩專一  
盜葬祖墓不顧昭穆相當惟圖苟且了事甚有破其棺槨  
委其遺骸以致分序構兵興訟小則破家大則亡身縱使  
不告不爭天地鬼神必不爾宥豈若盡所當盡不失爲孝

子順孫也耶且如一壺酒一人飲有餘衆人分之不足况  
祖墓發泄已過縱有吉氣亦我所得何故爲是剜肉醫瘡  
之舉哉咨我族人各宜深省至於喬木宜留蔭庇雖架公  
室猶當慎惜不可輕議砍伐宅邊樹木亦然如有盜墓盜  
木等事定從輕重責罰以明厲禁歲首清明無故不行拜  
墓者罰銀叁分以備修理仍須點視松楸看驗土色以防  
意外之干此亦孝子順孫所宜用情者也其各勉之毋忽  
一戒暴露以襄大事

昔海虞令何子平母喪未葬哀泣如同袒括之日冬不衣  
絮夏不就涼垣屋不葺曰我情事未伸天地間一罪人耳  
孔子曰生事之以禮死葬之以禮祭之以禮夫人之所貴  
有子孫者不過爲其生能孝養死能葬祭耳近見有等不

孝之徒將祖父遺骸視同敝蹠停柩路旁曾無藁裡之掩  
風侵日鑱雨漬霜鋪蜂蟻成房鼠雀爲侶經年越歲置之  
若忘節忌時序不知哀奠私妻子恣情慾張口對人不殊  
梟獍聞之可惡見之可羞後宜嚴爲禁治凡有祖父妻子  
兄弟之喪卽宜卜地安厝卽一時未得猶宜堅固攢封穩  
當處所敢有暴露狼戾及久攢頽圯不葬不祭者定議責  
戒立限襄事過限又倍責之以消幽明之憤

本善一慎扞改以消狂悖

孔子親墓在防者圯門人修之孔子泣曰古者不修墓蓋  
以當事時宜必誠必信不使少有後日之悔也夫修且不  
忍而況於扞改乎朱子曰墓不得已而扞改者必須告廟  
告墓啓攢哭泣以就新扞葬畢又須設奠歸而告成於廟

服緦麻廬守方爲合理近見有等狂悖無知之徒自作聰明輕信簧鼓泥執宮位過望後福致將祖父墳塋輕自改作甚有破棺撮骨者易棺更斂者又有忍將未壞屍骸揉入小函以圖易舉而以棺地更賣他人者其忍心害理誠天地神人之所共怒者也宗族中凡停喪未舉勿惜破費盡心力以求吉地切勿朦朧苟且塞責以貽後悔旣葬又須安於定數不得無故扞改或當扞改亦須咨稟家長叅詳裁決敢有無知妄行不告宗族背瞞兄弟輕自啓攢者罰銀二兩以示慎重以懲不孝

一禁窩盜以尚廉恥

士農工商皆可治生立業每見士勤者成名農勤者餘粟工勤者成器商勤者殖貨一家皆可賴以爲生至有貪饕

克婪無恥等輩舍四民而弗業乃爲窩家乃爲強竊明知  
律法難逃惟圖行險僥倖晝則鼠伏夜則蠅營背天地晦  
明之期堂宇弗居房竈爲穴招妻媳淫污之垢纔聞捕緝  
萬怕千驚一遇擒拿非刑拷掠所謂鴈鵝飛孩兒吊恣所  
得爲叫皇天呼老爺無所不至酒食隨其所需賊私盡爲  
所得及至到官鞠訊扭械入獄夜就匣床日受饑餒親識  
畏其干連姻族羞以相認卒隸慘毒索錢四顧無人保領  
或論情而絞斬凌遲或計賊而刺字流配田屋籍沒妻孥  
官賣生負不義之名死塋魚龍之腹何等苦楚何等窘辱  
萬一中有漏網者人情共忿心跡何堪天理不容終必滅  
絕宗族目爲下流鄉里指爲無恥或遇他盜亦必臨門檢  
罵縱受虧抑不敢開口愬人前得罪於宗祖後遺辱於子

孫亡身破家滅門絕戶鄉都往日之爲此流者昭々可鑒  
故特詳著以爲勸戒各房偶有此輩親屬家長卽時聞衆  
責戒書名懲惡不許登筵與祭必至悔改乃止親屬容隱  
者一體責罰不悛者鳴官正法削其譜系以戒後人書此  
獨爲懇切者深欲宗族崇尙廉恥同歸於良善也

一禁邪行以成雅俗

破家之事非一而賭博游蕩尤少年之所易蹈所貴防微  
杜漸以成令器者是在乎賢父兄而已俗用女唱侑酒每  
見賓主之間言語踰閑觀瞻失重耳目通於閨門體統乖  
於子姪其爲身家之累祖宗之玷者不少矣已經呈鳴  
守巡道給帖禁絕至於鬪伍夥張猜謎捺帖呼紅擲錢一  
切樗蒲等事始以酒食相角必繼以錢帛相逞或因輸贏

而毆罵或因窘迫而強竊縱使不爭不窘究亦廢時失事  
其漸決不可長已後敢有窩引娼妓開場賭博者親長卽  
行叱諭責戒不悛者呈治警後如故容不舉者連坐之寄  
住店戶罪坐房主其人卽時發遣決不姑縱以肇敗亡

一戒鬪狠以消克戾

夫兵凶器也鬪者不祥之事孔子曰一朝之忿忘其身以  
及其親非惑與孟子曰好勇鬪狠以危父母五不孝也家  
常事務雖然千緒萬端是非曲直自有定論凡事循理而  
行更濟之以含忍外侮橫逆終亦自消此保身保家之良  
法也至有不學無術之徒惟憑血氣之勇恃衆恃財動輒  
操戈索鬪或姻戚有事不能曲爲處分勉令含忍向義乃  
爲之貼兵助陣或塋祖墳或爭塘堰或田業或忿怨逞快

一時自云殺身無悔致成大事却令抱恨無窮况掉臂提  
兵其形不雅強梁壓捺其名不滅身體髮膚受之父母何  
故自取毀傷已後各宜痛改有蹈前非定行懲戒富者罰  
銀二兩貧者重責三十先正格鬪之非然後面衆據理從  
公處息决不假借以長暴戾之風

一戒教唆以安良善

宗族同本共源宜相親愛相體恤以成雍睦之道近有無  
恆無恥酒食之徒專一搬唆是非搖唇鼓舌惟願宗族乖  
和於中取事或佯爲處分或陰令告狀或構賊扳誣或代  
爲伸理或假手他人或匿名嫁禍或自爲干證挾制善良  
蠶食愚懦其事多端悉皆類此畏之者曲爲奉承黨之者  
厚自延納自負英雄揚七閭里孰知天理不容人情共怒



每七罹於法網或本身流配或子嗣陵夷徃轍昭七爲鑑  
不遠後有此輩家長面衆正色攻之有事到官衆指其教  
唆之實决不令奸欺之計中傷善類如是則宗族之元氣  
益固而良善叨安鄉都帖席矣

一戒好訟以保身家

爭訟構非曰氣與利據其所爭或田地或財帛或界至或  
忿怨或言語究其相干非伯叔弟姪卽宗族鄉閭親戚朋  
友束腰露頂匍伏公庭勝負未分各自驚畏勝者未必得  
資者未必失只落得喪恥破家虧名玷節氣與利安在哉  
凡我族人各宜以容忍爲傳家之寶橫逆之來以理遣之  
以情恕之古人云終身讓路不枉百步終身讓畔不失一  
段大都是肯退步吃虧事省而義全矣已後事無大小必

須告投家長宗祠會處如干他姓亦當咨稟家長議處如  
彼是我非便宜識事見機委曲聽從和解或我直彼曲亦  
宜退讓容人不致窮極其事如是甚爲有益或事當掣肘  
勢難中止者尤賴家長維持公是公非理直氣壯亦不致  
爲身家之累矣敢有飾虛駕情徑赴訟庭者富者罰銀二  
兩貧者責二十以爲不遵家法之戒其事聽憑

官府明斷或有口辨巧訥不同覆盤未照衆得指其是非  
之實陳之必蒙垂察正罪警戒將來或有事經處息衆稱  
平允敢恃財力筆舌刁潑智謀復生枝節者責罰倍之據  
其迹雖涉武斷之嫌原其心誠念祖宗置業之難父母遺  
體之重不忍其敗於告訐而斃於鞭笞也衆其爲我勉之  
省之

附戒訟文

嗟爾健訟之民輕生之衆何不安分而惟妄動曾不思祖  
父之遺產積累甚難父母之遺體劬勞至重固宜如金如  
玉如麟如鳳積義行善和堂協從而乃乘忿而爭挾剛而  
鬪曲直赴愬是非構訟以遺產爲牢獄之資以遺體爲鞭  
笞之用垢面蓬頭忍饑愁凍與牢鬼而並居任獄卒之操  
縱父母知而含哀妻子聞而抱痛竟不知世事如雲浮生  
若夢且爭者起於小忿之不懲訟者基於微慾之不窒移  
爾善良化爲詭譎彼勁不饒此強不屈家業暗摧忿氣愈  
疾獨不觀天下之物日中則歎月圓則缺風止於驟狂火  
熄於太烈舌以柔則完齒以剛則折虎固猛矣然不深藏  
則人得取其皮蛇固毒矣然不遠遯則人得窮其穴燈蛾

貪光然燈近而魄以焚黃蜂螫人然蠶去而命隨滅桃灼  
灼而颺風松遲匕而耐雪善泗者每逢沉溺好走者終遭  
蹉跌姑好兵之國必亡好訟之家必絕革爾心奮爾節閉  
爾口藏爾舌思爾鄉還爾室脫爾狴犴去爾縲絏毋執爾  
鷄豚毋持爾蚌鷸廣心田於子孫藹和氣於門閥爾福爾  
祿用之不竭聽之戒之毋怠毋忽

一保良善不待干託

近年強竊敗露或懷私仇或受賄構或聽捕役挾誣或憑  
牢頭主使官司拷訊夥黨真窩畱爲救援每匕拔誣良善  
出口如旨入皂同污封牌密緝或云寄贓或云着取或云  
夥盜追捕到家心驚膽落妻子傍惶手足無措至有里保  
無賴者不思是民還民是賊還賊一概視爲奇貨先恣捕

役拷詐後索轎馬酒錢故意遲延糊塗答應此正謂有欲  
不剛上官見疑或監禁鞠審或起解外郡以致真賊未正  
典刑而良善先遭荼毒縱得脫曰歸家亦已皮焦骨爛豈  
弗深可憫耶後遇有此爲家長爲保正副爲見里者當不  
待請託不索財賄挺身向官具陳被誣事實回呈保結捕  
役見我公廉不敢背爲是非父母衙門原情察理奚忍置  
赤子於死地耶如叔德意姪良橋平空被誣余爲申保得  
白又如地方馬大理楊求亦係無辜彼時無人保救遂致  
歿獄姑舉兩椿以爲族之英豪者勸莫曰其人父子妻媳  
德我念我天地鬼神實監之矣萬一不幸遇酷墨煨煉尤  
當正言正色委曲陳告必期脫白縱不聽受而此心已盡  
此德已種罪不在我矣其各勉之毋忽

一革催糲不徇俗套

世俗新娶者例具珠冠或用花髻袍帶以迎新入此乃屬望至意於禮似不可缺更具首飾下糲四時衣服甚爲無謂且富貴之家取之裕如否則轉乞親鄰殊爲難處至有村俗虜輩不念兒女通家責備禮意不周或坐畱取索或徑麾而毀之者有矣或竟插其首飾穿其衣服有路途遙遠暈轎嘔吐或墮首飾於無尋或致衣裳於陪價設或處此彼此將奈之何余嘗處分一二家而深識其非矣已後宗族中或嫁或娶除冠髻袍帶之外一體禁革違者罰銀一兩以爲不遵家法之戒達理君子當必有以諒之矣

一戒荒飲以崇令德

夫酒以供祭禮賓固不可缺近少壯皆事浩飲以致語言

錯亂體度踰躐或客席未舉而主席先爲狼藉或家長未嘗離席而各自羣聚戲譚俱屬濫慢不敬嗣後百凡宴會但遇家長在席須當肅靜謹畏不得喧譁放縱高聲猜謎呼紅叫六一切戲謔非分體度及談論是非爭長競短殊乖禮節痛宜省改雖至他宅爲客尤宜謹持家法雍容揖遜所謂敬人者人恆敬之矣或係賓友相強猜謎擲骰義不可辭亦須咨稟家長修子弟職以成雅觀至於兄弟鄰友歲時會飲人所不免苟非當禮亦爲廢時失事及有假酒使性踰閑放僻者定以事理輕重責戒以警其風又有舖啜之徒聞鄉族有事十數成羣拍肩執袂只曰某家和事又不能處分輸妥有事之家彼逞一時之忿及見人衆因而畏避廢禮者有之矣雖有正人在內聽不敢受正所

謂飲食之人則人賤之矣已後家庭有事俱於宗祠朔會  
投訴處分或情重事急難俟會朔者尤不可濫及匪人以  
致唆弄慎各思之勉之以全令德

一事繼母尤當承順

孟子曰父母俱存兄弟無故一樂也不幸而遭變故繼母  
賢達者猶可相安或有偏性執見或有續生弟妹或有帶  
來弟兄胸中有物猜忌交衡坐是而父子傷殘骨肉胡粵  
者有之矣爲人子者須要自明大義委曲承順怡顏悅色  
在弟妹則美其服食教之讀書時其婚嫁聯其志以協其  
心或有非禮相加可以從則曲從之不可從則起敬起孝  
不敢疾怨久之天理復萌終必我愛古云疾風知勁草板  
蕩識忠臣如閔子騫王祥薛包皆以繼母而成孝子之名



是也至有不學無識者每疾視其所生而怨懟於其父爲繼母者又從而漸漬離間則家庭之事日多矣余事盧母二十餘年自分得罪處甚多然去逆效順不敢不勉已後子孫敢有悖逆繼母及侵蝕弟妹財產因而致訟啓非貽笑他姓定議輕重責戒至於庶母乳母養母皆當知重知報雖祖父遺婢不得輕自凌虐違者亦必飭戒以全孝道至於爲繼母者猶宜慈恕聯疎爲親其有酷虐殘刻者家長猶得會衆遣諭之仍須周親公言子不得道母之過

一修文會以昌士類

人家根本耕讀之外無餘事有子不教牛馬襟裾其於禽獸奚擇本房自十一公析居仁道箕裘世守不墜吾祖竹軒翁之下粗知向上讀書邇來習舉子業者頗衆雖歲延

名師別創書屋至於朔望必會考於中堂者所以稽進步而勵昏庸也每將客桌移易似覺煩擾因捐公帑置造小棹二十張講案二張長檣四條以爲考校之用畢則貯之公所除賓祭取用不禁外其餘並不許侵用分管違者罰銀一兩以爲不遵家法之戒取用不卽送貯原所者亦議罰銀一錢計及於此無非以讀書爲正務宗族同志者尙相與推廣此意云

一消惡聲以維頽俗

大丈夫立門戶內則家人父子之典型外則賓朋戚里之視聽古人處家不聞呵叱之聲良以此耳且兒女僕妾乃我手下惟吾所主役之驅之責之宜無不可奚至惡聲相加奈何習俗不美每當呵詈過爲醜惡之辭不顧女媳密

通皆人之駭聞而羞聽者也又有對客言談亦爲輕薄巧  
話辱人母妻女媳何等不雅正所謂含血噴人先污自口  
也甚有家庭失和裸形跌賴情狀尤爲可惡相習成風誠  
吾族之深弊也後宜痛自禁革每月朔會講家法各務以  
此相規爲父兄者先自端慤每於食息起居諄匕以此提  
撕其子弟不出期月當自覺其可憎可哂而至魯至道不  
難矣故違者隨事輕重責戒以振頽風

一崇信義以處工匠

百工技藝以此爲業卽以此爲生用本用工須分輕重均  
當時其饑渴資其緩急彼高我信義招之則來約之則去  
勤謹巧力事集而用全矣此正謂與人方便自己方便也  
有等刻薄任其催求今日明日又不約之以日或約之而

又愆期挨至歲窮用迫乃以低銀貨物與之一錢止得七八分只得應受解析目前當面縱不敢言背後必然呪罵人比適口以小利而傷大體以陰險而損陽德甚有竊其器物絕其主顧負其工本以快苟行既非所以自處又非所以處人也其各思之勉之

一還遺失以存陰德

非義之財有道者所不取無故之獲哲人所甚禍也且以人之財物還人亦是易事迺貪昧無識者見人遺忘自稱造化或瞰其不檢而取之者俱稱拾得任其哀求堅賴不吐充類至義其與盜竊何殊又有行使假銀市面交易致彼受抑歸家老少埋怨勢窮計極或從而自盡者有之矣近聞烏傷一人得遺金兩錠候其主還之止取酒脯銀三

分持入屠肆屠者嗤而擲之江曰爾有見成富貴而不能  
享者也其人顧見包浮水面下取之漸颺入中流足下撥  
着一箱內有千金蓋覆舟物也遂以致富屠者強分其半  
歸而病狂又遇夥盜寄歇械獄十年用盡其銀而息可見  
錢財有分不可強求蘇子曰匹夫無故而獲千金非有大  
福則有大禍是也昔香山還帶李勉歸金皆身享祿壽之  
報又如麥舟助喪修儀贖婦割已之財尙思與人方便况  
以人之財還人亦何吝而不爲哉天高聽卑性緩善記衆  
其爲我思之

一公水利以備旱潦

塘池乃荒年之本灌注舊有畝分然旱潦無常亦當預加  
樽節以防不虞至有無識冥行者恃勢倚力縱容見孫佃

僕濫放盜放濫注原不承注之田遂致不均小則投聞宗  
族大則控告官司却不思一坵之水甚微以酒食卽費却  
一年之租以官司卽費却一坵之價更有生出大事以致  
終身怨悔者或衆人因而推托漏不築壅不挑壩不塞因  
而壞却一方之田者有之矣至於畜魚亦宜照分所得毋  
得背用數罟名網野魚因而竊取遂致忿爭統廢不養以  
壞公塘之利此一念之差貽禍無窮慎各戒勉毋忽

一申山禁以息侵攘

太祖高皇帝隨地畱荒山以資細民樵采惠養之澤普矣近被  
豪家占禁細民薪火始艱因而侵及尸山却不思物各有  
主背地胡行每遂所求輒稱得志曾弗知足知止或爲不  
平出首或管守所獲或暗地求息或設酒輸情或告投賠

價計逐日之所得不充一席之費徒取無恥之名自同狗  
鼠之行孰若躬勤儉而安本分之爲得哉此後各宜痛改  
如稔惡不悛定擬輕重責戒决不爾容

一潔堂宇以全門面  
祖父櫛風沐雨以有室廬一木一石皆有一段精神經劃  
爲子孫者享現成之福不思祖父豎造艱難廼令糞草堆  
積或故將私物排佔公堂縱容小子毀瓦壞墁倒置椅桌  
皆非克肖子孫已後各宜思勉子弟自二十以下十二以  
上者每日輪流一人洒掃整理几席檣棹承命不恭者罰  
跪以警將來再不恭者責之習以爲常子弟因之而堅其  
材力人家不淪於齷齪而門面全矣

一重公物以昭世守

公遺書畫銅器酒器酒箱食箱圍屏七風一切賓祭物件  
皆以門面而設當世守之而不可失者也。廼不肖無識強  
者私之爲已有弱者故賤而壞之或竊以送賣與人其事  
難以枚舉今後將公遺物件逐一定價類爲一簿每歲輪  
房賢子孫一人掌管如有公用取之掌管之家用畢仍送  
掌管者收之至正月初旬照簿檢點交付次房掌管週而  
復始如損失卽令照價賠償庶公物不致失落可以昭世  
守矣至於交遊書札贈遺詩文皆先人手澤尤宜深惜或  
用以作炮包酒殊爲可恨亦宜痛戒若非禮之書家長見  
卽焚之庶免蕩搖心志

一懲惡小以敦薄俗

古人同田共井尙相友助扶持今同宗共祖乃成秦越至



有不循天理等輩妬刻爲心貪婪爲行或縱放牲畜食踐  
種作或縱容手下侵擾山場園圃偷盜鷄犬行使低銀戲  
秤輕出重入興販子女一切利己妨人等事或懷小忿毀  
剝果棗潑掠稻麥燒燬草蓬鋤掘沙塹丟貼談章致惹罵  
叱呢咀辱及父母妻子怒及天地鬼神誠爲可恨可羞各  
房長嚴行禁飭犯者同爨同居父子兄弟知情故縱不首  
者一體責戒賠償梗化者呈官警衆以成仁厚之俗

一嚴防守以安地方

地方守望保甲之法詳矣每因奉行不肅以致失事宗族  
任佃僕倘有習於非爲者往年擒送首惡數人鄉都遂以  
寧謐本縣帖給刑具云該縣俱如本家則盜風弭息不難  
矣遵行日久人心懈弛呈蒙

守巡道詳允給帖裨助家庭之訓若不嚴爲申飭非所以  
祇承德意也除收成車水有人在田之時外每夜編立巡  
守主僕相兼每村幾人不拘風雨雪月務要**小心巡緝**如  
有失落責令追捕追捕不至責戒賠償罰酒會社以服衆  
心家長常用點視以稽勞佚行之有常人忘其勞紀之有  
律非爲不作地方實陰受其福矣衆其勉之毋曰此非徭  
役所編務以實心行實事以無負 縣司給帖開示之仁  
實惟鄉族莫大之幸違者呈官以鳴抗憲之罪

一速完價以裨實用

貧富無定勢田宅無定主有則買無則賣置產之家當知  
此理不可苦害賣產之家彼賣產者或爲官司或爲私負  
或爲疾病死喪或爲婚男嫁女有許多急用卽鬻許多田

宅若得完價便可完得欲舉之事迺爲富不仁之徒知其  
用急陰鈎陽拒始以扼其價逮至交易姑與壓契約之以  
日又與之數緡或搭以他物賣產之家必大窘迫所得陸  
續隨手耗散向之所擬以幹辦者皆成畫餅矣買產之家  
反怪其取索而賣者益困速訟構非虧名喪德其禍有不  
可勝言者昔范文正公三失契三還價子孫至今簪纓不  
絕近世新貴受人投獻轄人產價多方刻虐爲兒孫作馬  
牛身沒之後無復存者此正所謂貨悖而入者亦悖而出  
天道昭々不爽毫末將爲文正公平將爲新貴人乎有識  
者當三思矣

一寬債負以篤餘慶

銀穀取息銀自二分以至三分穀自三分以至五分似不

爲虐至有出門加一以一取二沓利起算輕重出入漏欠  
零微取索不已者或見人家子弟不肖結之以酒食諾之  
以揭借瞰其用急臨時輾轉勒之以厚利者或意其人忠  
厚易虐故意延忘待其利多一時坐逼者措辦不前更令  
轉利作本誘引牙保準折其田地屋業拆散其夫妻子女  
者屈指以是驟富者數家今皆灰燼無餘中有倖免者或  
係祖宗植德深厚而時有未至耳凡我子孫宜知此理如  
在父子兄弟姻戚朋友間尤宜平恕以畱有餘不盡之意  
古云錢債寬一分畱與兒孫放是也若不顧名義恣爲酷  
取必致叢怨呪而招物議或物極則反隱禍無窮此正謂  
要一文不值一文也慎相勉旃以續祖宗旌義之芳以爲  
子孫長久之計

一戒爭產以祛薄惡

語云千田八百主得之不得有命奈貪冒狡險無識者見肥腴便業輒萌窺伺或餌之以債或結之以恩或私厚其所親信或威逼成契千方百計必得而後已及勢有可得又佯爲不受以思扼其價或設酒漿待人讓價已確背加如許一鼓而捷以之自處則不仁以之處人則不義致啓訟非或許告府縣或構兵搶殺以致喪身破家者有之矣何等無識甚有兄弟叔姪之間互相高價彼此爭買者此又不明之甚者也譬如我田我屋我基我山以與伯叔兄弟亦不爲過况他人之產必須待價而得者乎咨我宗族英彥共相戒勉勿趨薄惡自然和氣致祥增置日廣矣敢有以爭產構非者罰銀三兩入祠田歸應買之家不遵者

揭呈重罰以成禮讓之俗

一先賦稅以爲良善

國家任土作貢食土之毛卽當供國之賦良善之家依期完納催科不擾而家日以贏勘合云納糧的便是好百姓是也無恥逋負之徒百計刁延而家漸以覆害得他人亦損自己蓋

朝廷洪福非細民之得負自當道奏革糧長糧需俱屬見里一勞九逸誠爲民便奈遞年之無存心者復坐視而不之恤致令臨期比責皂保交煎鎖押監追只得糶穀賣絲典田鬻產或囑捺過期或揭債代納寬得目前之憂剗却心頭之肉積怨難消遺恨已極至彼當年遂亦坐視以爲出爾反爾之計於是糧里之家薄者廢而厚者薄未有不困

斃者也大要只在人家自存天理以錢糧爲第一件正務如數如期足色足戡必自投納旣省比責之費又免偏累之苦處己處人兩得之矣且自屋自居自租自食貽累他人天地鬼神必不爾祐况呈告到官或擬罪監追或鎖押筭帳或酒食輸情或起息革會萬無放過之理徒取他人唾罵誚洗以爲行止之玷而已孰若好來好往以成良善之俗哉咨我族人各宜修省設身處地以完國課如有不循天理不顧子孫無恥拖賴者定行責戒仍書各懲惡以警將來

一戒執契以消禍端

世俗結借銀穀多有田地屋業契券爲當逮其算還稍有不足卽便畱其契券及至全償又稱一時難檢日過一日

年過一年還者自謂已還必難再索久亦置之度外後或有事相干理曲在我即便搜尋冷契以爲訟端或因其偶得他財輒生癡念云爲舊賑未了或身後子孫不知據契券取索致生不測之變坐是而破家亡身者有之矣如比邑徐呂構忿執故契告訐逼索自盡竟致破家者可鑑也宗族無識者每匕蹈其覆轍自取羞辱故爾特爲申飭犯者照契議罰仍書名懲惡以爲貪得無厭者戒

一禁玩戲以弭姦盜

祖父母父母兄長壽旦及承恩報捷賽欸會社申禁一切宴賓嘉會搬演戲文義當從俗亦須以日過夜而止若頻舉無節必致生奸引盜抑且蕩志移情廢時失業已後各宜知止無故不許輕舉以壞家常體統至於他姓做戲猶



宜自子不得尋羣拉伴恣意往觀爭前競後生事啓非自  
取褻慢致乖風雅孰若不觀之爲美也更有女子非關至  
親往來他家玩戲尤爲無恥之甚已後悉行禁革違者罰  
銀五錢以爲玩愒之戒戲文非忠孝節義有關風化者不  
許亂做違者罰亦如之

一申弔賀以洽鄉閭

夫喪必弔疾必問慶必賀歲時必相往來所以通彼此之  
情而修好鄉閭者也奈何無禮義輩悉置不講以故鄰族  
不和親友不洽而里不得稱仁矣今後弔問慶賀情不容  
己禮不可廢者必具金帛將敬厚薄隨宜報施相稱至於  
款禮一於誠敬不校厚薄弔者以蔬而賀者以酒毋過奢  
靡來者喜來往者喜往所謂客可來而主可辦非耶鄉閭

間情意相孚則爭競無繇孔子曰里仁爲美正謂此也  
聖諭以和睦鄉里警夜提曉咨我族人各宜思勉如有陵侮嫉  
妬不知輯洽者朔會日與衆攻之

一正心術以赴功名

仕宦之後十有八九陵夷至於異路尤甚蓋人當勢要之  
衝持利害之權雖百分存心尙有無心虧枉以爲積德之  
累况以欺公罔上殖已營私爲事者其能免乎人不存心  
雖不仕宦亦底覆滅豈可盡責之充吏者也爲子弟者但  
先明經術以正其心術事匕以忠愛爲本若出若處未有  
不得其善者矣雖然衙門之中狡猾殘薄之所共趨以愚  
見論之卽戒子孫勿得從事其中亦孟子擇術意也

一修橋道以便行人

大溪行決不常輿梁似難輕議徒枉亦爲易舉且如遠方  
僧道募化尙要布施寧有孔道而不思爲之所平咨  
我宗盟仗義植福者編立橋長輪年管理布以霜降收以  
穀雨守之勿失而民無病涉矣至於道路崩圯亦宜各隨  
田頭屋側及時修砌或有鉅費卽稟咨宗祠富而好義者  
助之每見寒江無橋春雨泥濘行道咨嗟特書此以爲積  
功累仁者勸

一謹水陸以防不虞

凡人舉動須要止大至如出路不嫌闊詐蓋不如是則不  
足以保其身舟行必須追尋大隊船夥停泊安穩埠頭  
官船則聯舸絞柳民船於靜夜調轉船頭移易上下警夜  
巡緝以防抽劫至如中途小舟追趕梢工無故夜唱喊叫

此尤盜徵宜謹防之如陸行當看日色早宿宴行不可貪  
程失侶至夜靜移易行囊東西其床亦是良法後生未更  
事者每以夸可為高以致誨盜災及其身故併及之

一

以申社會

夫迎神一結社皆所以萃渙也血氣舖餒之徒每  
乘機侵面索匪啓非甚非召和之道全在家長人匕囑付  
戶匕叮嚀好出好歸人安而靈貺益昭以其費賽款結社  
隨福戶丁力祈求隨田毋以一例壓派則勞逸均而和氣  
益臻矣

一戒貪昧以崇仁恕

貧民衣食不足必資富室相濟為富室者每計其所能償  
而後與之或不充其所需只得二三其主或還本或還利

或經年累月不能周全因而謀及牧養猪牛日看月食待  
其長大思杜舊賑而圖新債爲度活計耳奈有等嗜利貪  
昧之輩不體人情或係自家庄佃或係坐轄地方或見之  
而輒起貪心不思物各有主但曰我賬未了去還別賬千  
方百計挾勢發威竟禿而得之及原主聞知亦帶僕從相  
追毆罵投取一家老少相看失色因而自盡者比比也無  
論宗族親友之請以是而乖卽喪身破家者有之矣咨我  
族人

通商賈

行商坐賈皆  
之生意或自家本錢或典借他人千辛萬  
苦所望以資生立業者也有等無恥貪夫以見賣則成色  
不足輕戩重秤以賒帳則屢約屢爽蝕其息而傷其本一

或不通輒駕之以言脅之以勢彼只得出從而心中實爲  
怨恨又有不存天理縱容兒女婢僕騙搶擔頭貨物致惹  
唾罵陰爲失德陽爲喪恥違者量輕重責戒以成忠厚長  
者少賈者亦當以忠厚立心毋刁難勒價毋  
相人一平爲主則貿易必衆而生財有道矣其  
各勉之勗之毋怠

一 通假借以資有無

孔子曰有馬者借人乘之今亡矣夫彼一時也已有此嘆  
此一時也顧敢議及此哉第人之一家百工之所爲備不  
能盡取宮中而用之者勢也又如轎馬行定宴會一切文  
爲器具於禮必不可廢者雖當事責在乎一家而門面則  
衆人一所共有也至有鄙野之夫一切不通假借雖至親

曾幾思幾量而後叩及於我甚  
於宗族親友之情安在哉又有齷

一不置辨及借得他人物事全不

掠其尾在諸物則致於毀而遲

此後各宜兩盡以成厚俗詩云

死矣他人是愉子有鐘鼓弗鼓

八是保敢歌以告明達者

廣仁慈

綱弋不射宿孟子曰君子之於禽獸也

共死聞其聲不忍食其肉是以君子遠庖

見其生不忍  
廚也夙聞本邑盧某者商於巴蜀攜巴荳廣藤數十扛以

歸皆毒魚物也其友喟然嘆曰遠客還鄉豈無他貨可帶

弗才

魯吟

此舉大損陰德矣盧曰何謂也曰利甚微而害甚夥仁者所不爲也盧愕然驚悟遂悉付之一火其子孫富貴迄今不絕又云

破廿

忍之

湯某者性好殺每當禽鳥生育輒覆巢而取八哥適有蛇據其穴驚墮喪命此慈毒魚着藥時不論巨細盡浮水面尋生有惻隱之心者未有不動情者也凡事之所不忍也子弟少年恣性縱慾其爲積德之累父兄明達者遇其所往而不爲仁矣黃花飼雀子名放龜活蛇皆有善報上帝好之哉

孫時任父潛謹叅校繡梓



